

本 教 新 最  
理 地 國 中 真 寫

冊 一 全

用 適 師 初 中 初

行 發 社 學 地 央 中

(系 地 史 學 大 範 師 京 北)

本圖特色

增新地名  
設色鮮明  
附說周到  
詳簡適用



定價  
二元二角

白眉初先生監製

寄售處與寫真地理教本同

學地理者。以書為主。以圖為輔。雖然。圖却尤要。何則

觀書或隱 觀圖則顯

觀書或隔 觀圖則澈

觀書或亂 觀圖則清

觀書或疑 觀圖則信

觀書或窄 觀圖則通

觀書或迷 觀圖則悟

觀書蹈虛 觀圖徵實

觀書困苦 觀圖快樂

可見地理奧蘊。非圖不明。此圖與本書。出於一人之手。互相對照。不問可知。凡中學學生。應入手一冊。以期深造自得。而達左右逢源之樂境。

中央地學社啟事



3 2168 1742 3

MG  
G633.57

3

## 編輯大意

一、本書分緒論、概論、分論、括論、四編。

1 緒論 略揭綱要

2 概論 闡述全國地貌、山脈、水域。力求清晰。地勢海岸。力求包括簡明。沙漠。力求具體表現真狀。

3 分論 闡述天然流域與社會狀況。先就十四個流域「分全國為黑、遼、黃、淮、運、江、浙、閩、珠、瀾、滄、雅、魯、藏、布、塔、里、木、色、楞、格、十四個流域。」寫其天然環境、氣候、物產、民生、交通。力求真切。俾讀者知天然區域各各不同。然後再就每一天然區域中。寫其政治區劃上之一省或數省。一一彰明其四界。表揚其名。城與特色。斯學生對於天然政治兩方面。頓呈玲瓏透剔之觀。斯三十省區之真狀。乃盡置於X光線之下。

4 括論 係要項結束。學生既洞觀天然。政治兩方面之清楚界劃。而得其玲瓏。

編輯大意

透剔之觀。仍須由博反約。使其得主要觀念。乃作要項結束。

A 結束貴清簡。若繁冗則擾亂記憶。僅就全國氣候、物產、交通、民族、宗教、教育、國體、政體、聲望數項。作一詳細清朗之結束。斯學生觀念易於鞏固。

↳ 全書將終。須培養青年發揚國力之根念。乃舉對外失權之「撤藩」「割地」「劃界失地」「租借地」「租界」「自治區域」「路權外移」「航權外移」「關稅自主」「領事裁判權」「外軍駐境」等項。一一痛切簡括揭述之。斯不啻付病弱者以強藥金丹。

二 初中學生。研究力尙薄弱。教者只應注意培養其要項記憶。基礎觀念。爲他日發展之預備。故本書每寫一事一物。皆辭意精簡。力避繁冗。蓋辭繁則不能記憶。言簡則記憶堅確。

三 言簡記確固已。然內容弗詳。亦屬遺憾。本書則隨處有附註附錄。學生只記本文。教員隨意發揮。斯興味自厚。而紳縮隨意。

四 水域爲學地理者。基礎觀念。合之。則集數多水域。爲一國地理。析之。則政治區劃。

社會狀況。胥厲於其中。本書對於學生水域之印象。三致意焉。一在緒論。揭極簡之綱要。二在概論。叙山水分割之概況。三在分論。詳寫水域範圍。益使真切。必如此山水並舉。由漸而詳。斯學生腦海。可得真切印象。水域得真切印象。則一切可迎刃而解。

五、地理非圖不明。本書附插圖五十餘幅。並風景照片數幅。足以補助學生之理解。

六、凡讀本書者。皆須購「中華民國省區全圖」一冊。以資研究。

中華民國十六年七月 編者識



# 寫真中國地理教本全目

## 第一編 緒論 略述具體之中國

一國名 二位置 附中國位置圖 三幅幀 四國界 五山水之大勢  
附亞洲山水大勢圖 六政治區劃 附中國疆域全圖……………一：六

## 第二編 概論 全國地貌之大勢

一山脈 1 西部四大山幹 附西部四幹高度比較表

2 中崑崙及東崑崙 附中國山脈簡明表……………八—十三

二地勢 附中國地勢圖 1 高原部 2 邱陵部 3 平原部……………一四—二〇

三水域 1 河流區域 附中國水域天然分割圖 2 湖泊水域 附全國鹹

淡湖泊分界圖……………二〇—二八

四沙漠 附中國沙漠圖……………二七—二八

五海岸 附中國海岸圖……………二九—三〇

第三編 分論 天然流域與社會狀況

- 一 黑龍江流域 1 範圍 2 水系 附黑龍江全域圖 3 地貌 4 氣候 5 物產實業 6 人種及民生 7 交通之大勢 8 政治區劃 9 省界 10 名城與特色 附吉林南境間島形勢圖 附瓊瑋附近及六十四屯圖 附臚濱形勢圖 ……三〇—三七
- 二 遼水流域 1 範圍 2 水系 附遼水流域略圖 3 地貌 4 氣候 5 物產實業 6 人種及民生狀況 7 交通之大勢 8 政治區劃 9 界劃 10 名城與特色 ……三八—四三
- 三 沽河流域 1 範圍 2 水系 附沽河全域略圖 3 地貌 4 氣候 5 物產 6 人種及民生狀況 7 交通之大勢 8 政治區劃 9 界劃 10 名城與特色 附北京內城外城略圖 附秦皇島碼頭圖 附察哈爾區域略圖 ……四三—五一
- 四 黃河流域 1 範圍 附黃河流域略圖 2 水系 3 地貌 4 氣候

5 物產實業	6 人種及民生狀況	7 交通之大勢	附黃域鐵道及陸路交通圖
8 政治區劃	9 省界	10 名城與特色	……五——六三
五淮水流域	1 範圍	2 水系	附淮水全域略圖
3 地貌	4 氣候	5 物產及實業	6 民生狀況
7 交通之大勢	附河南四流域比較圖	8 政治區劃	9 省界
10 名城與特色	……六三——六八	六運河流域	1 範圍
2 水系	附運河全域圖	附山東屬運河流域圖	3 地貌
4 氣候	5 物產實業	6 人種及民生狀況	7 交通之大勢
8 政治區劃	附山東省略圖	9 省界	10 名城與特色
附威海衛圖	……六八——七五	七大江流域	1 範圍
附大江全域略圖	2 水系	附洞庭湖圖	3 地貌
附大江流域形貌圖	4 氣候	5 物產實業	6 人種及民生狀況
7 交通之大勢	8 政治區劃	9 省界	附大江流域物產人種分佈圖
及地勢	10 名城與特色	附上海商埠圖	附皖贛蘇三省略圖
附武			

漢三鎮圖 附川黔鄂湘四省圖……………七六一九八

八浙江流域 1 範圍 2 水系 附浙江略圖 3 地貌 4 氣候 5 物

產與實業 6 人種及民生狀況 7 交通之大勢 8 政治區劃 9 省

界 10 名城與特色 附舟山象山形勢圖……………九八一—一〇四

九閩江流域 1 範圍 2 水系 附福建略圖 3 地貌 4 氣候 5 物

產 6 人種及民生狀況 7 交通之大勢 附閩垣閩江口圖 8 政治

區劃 9 省界 10 名城與特色 附廈門形勢圖 附三都澳海港形勢

圖……………一〇五一—一二二

十珠江流域 1 範圍 2 水系 附珠江流域略圖 3 地貌 4 氣候

5 物產實業 6 人種及民生狀況 7 交通之大勢 8 政治區劃 9

省界 10 名城與特色……………一一二—一一八

十一瀾滄江流域 1 範圍 2 水系 附瀾滄江流域圖 3 地貌 4 氣候

5 物產 6 人種及民生狀況 7 交通之大勢 8 政治區劃 9 省界

10 名城與特色……………一一九—一二四

十二雅魯藏布江流域 1 範圍 2 水系 附雅魯藏布江流域圖 3 地貌 4 氣候 5 物產 6 人種及民生狀況 7 交通之大勢 8 政治區劃 9 疆界 10 名城與特色……………一二四—一二七

十三塔里木河流域 1 範圍 2 水系 附塔里木河流域圖 3 地貌 4 氣候 5 物產 6 人種及民生狀況 7 交通 8 政治區劃 9 省界 10 名城與特色……………一二七—一三一

十四色楞格河流域 1 範圍 2 水系 附色楞格河流域圖 3 地貌 4 氣候 5 人種及民生狀況 6 交通之大勢 7 物產 8 名城……………一三一—一三五

第四編 括論 要項結束

一氣候 嶺南氣候 長江氣候 附中國各地溫度表 黃河氣候 附中國各地雨量表 高原氣候……………一三五—一三八

二物產	農產	鑛產	工業	商業	……	一三八—一四三
三交通	鐵路	附南滿鐵路網密佈圖	附五省鐵路網一覽表	航路		
	附全國航路表	電氣交通	郵政	……	一四四—一五二	
四民族	漢族	滿族	蒙族	附蒙族新式家庭圖	附成吉思汗圖	回
	族	藏族	苗族	附苗族圖	……	一五二—一五六
五宗教	佛教	道教	回教	附穆罕默德圖	附耶蘇圖	……
	……	……	……	……	……	一五七—一五九
六教育	……	……	……	……	……	一五九
七國體	……	……	……	……	……	一五九
八政體	……	……	……	……	……	一五九
九外交失權	1 撤藩	琉球	越南	附撤藩割地劃失一覽圖	緬甸	
	附緬甸廢王及廢后	朝鮮	2 割地	香港島	黑龍江以北地	烏蘇
	里江東沿海地	澳門島	3 割界失地	西北邊地	附帕米	



---

寫真中國地理教本


# 最新寫真中國地理教本

## 第一編 緒論 略述具體之中國

一國名 中國古無定名。自三皇迄唐虞夏商周。輒自稱曰夏。或曰華夏。至秦以後。外國稱中國曰震旦。或曰支那。皆係秦晉之轉。迄今外人猶稱之。嗣歷漢魏晉南北朝。隋唐以還。因漢唐統一中國。閱時較長。名著於世。故外國人又輒以漢唐稱中國。繼經五代宋元明清。亦每以代名爲國名。如前清時之稱大清國是。然古今相沿之通稱。則曰中國。至辛亥革命。變五千年君主國體。爲億萬斯年五族合組之民主國體。始定名曰中華民國。

〔附註〕夏大也。虞書曰。蠻夷猾夏。三國志。關羽傳云。羽威震華夏。漢唐時。兵力及於外國。至魏晉時。外人猶稱中國曰漢。至五代以後。外人猶稱中國曰唐。迄今新金山。名中國人所居。猶曰唐人街。

二位置 世界六洲。亞洲爲大。亞洲十餘國。中國爲大。中國位置。適踞亞洲中部。及其東南大部。後倚帕原。前帶海岸。具遙控太平洋印度兩洋之形勢。是中華民國。在全世界上。實佔據主要地位。



之一。中國居全亞四分之一。即當全球陸面十二分之一。

四國界 除東南沿海外。在大陸上之邊界。則與日俄英法四國為鄰。圖詳六頁

1 鄰日之界 以鴨綠江及圖們江為與日領朝鮮之天然分界線。

2 鄰俄之界 環抱中國東北西三面。延長二萬餘里。茲分述之。

三幅帳。南至西沙羣島。北至薩彥嶺山脊。西至帕米爾高原之烏仔別里山口。東至烏蘇里江與黑龍江會口。縱長七千餘里。橫廣九千餘里。面積三千五百萬方里。約當全亞四分之一。全世十二分之一。

『附註』按英方里計算。全球陸面。共五千三百萬英方里。亞洲面積。一千七百五十萬英方里。中國面積。四百二十八萬英方里。是亞洲約當全球陸面三分

A 滿洲方面 自圖們江岸北走。沿烏蘇里江、黑龍江。爲與俄領東海濱、阿穆爾、外貝加爾三省分界線。

B 外蒙方面 自額爾古納河上流起。西循肯特山北麓。走買賣城與恰克圖間。更歷薩彥嶺。南折走大阿爾泰山脊。爲與俄領西伯利亞分界線。

C 新疆方面 接大阿爾泰山脊。斷額爾齊斯河而南。循塔爾巴哈台嶺。而西。復南折。斷伊犁河。遂循天山高脊西南走。至帕米爾高原。而止於烏仔別里山口。爲與俄領中亞分界線。

3 鄰英之界 沿藏邊喜馬拉雅山。東走川邊之南。復繞滇省西南邊。而止於瀾滄江之西岸。爲與英領印度緬甸分界線。

4 鄰法之界 自瀾滄江岸。東走滇粵南邊。歷鎮南關。而止於東興鎮之西。爲與法領越南分界線。

### 五山水之大勢

1 山系 亞洲如笠。笠頂卽帕米爾高原。爲全洲山脈總彙處。由此支出山系。凡

六。

A 阿爾泰山脈 由帕米爾東北走。略為中國與西伯利亞分界線。

B 天山脈 由帕米爾東走。巨新疆全省。

C 崑崙山脈 由帕米爾東南走折東走。分佈全國。

D 喜馬拉雅山脈 由帕米爾東南走為中國與印度分界線

E 撒里曼山脈 由帕米爾南走於印度與俾路芝之間。

F 興都庫什山脈 由帕米爾西走。極於裏海黑海之南。

以上為亞洲六大山系。唯前四系。俱跨入中國國境



2 水域 亞洲三面洋海。西接歐陸。其水域略分四種。

A 入太平洋之水域 B 入印度洋之水域 C 入北冰洋之水域 D 內陸水域『即不能注入洋海之水唯在內陸瀦爲湖泊』

中國版圖。踞亞洲東南。而兼括亞洲中部。故國內四種水域皆備。

六政治區劃 分爲『行省』『特別區域』『附屬區域』『自治區域』四種

1 行省 分爲『本部』『滿洲』『西域』三部

A 本部 直隸、山東、河南、山西、陝西、甘肅、四川、湖北、湖南、江西、安徽、江蘇、浙江、福建、廣東、廣西、雲南、貴州，共十八省。

B 滿洲之部 奉天、吉林、黑龍江，共三省。


C 西域之部 新疆。

合計行省二十一。

2 特別區域

A 中央之部 京兆特別區域。

B 陰山之部 綏遠特別區域、察哈爾特別區域、熱河特別區域。



○橫斷山脈之部。川邊特別區域。

合計特別區域五。

### 3 附屬區域

A 青海 附屬於甘肅『甘邊寧海鎮守使』

B 西套蒙古 附屬於甘肅『甘邊寧夏鎮守使』

合計附屬區域二

『附註』二附屬區域。在政治上。全屬甘肅行省。在自然地勢上。僅隔以嘉峪關內外之一線甘新通道。而在地貌上。荒砂寂野。亦屬一致。在人種上。皆爲額魯特蒙古游牧地。目爲一區域。無不可也。

### 4 自治區域

A 外蒙古。

B 西藏。

合計自治區域二。

總之。全國政治區劃。分爲省、區、兩種。共三十一部。

## 第二編 概論 全國地貌之大勢

一山脈 中國山脈皆起於帕米爾高原之附近。分爲四大幹。唯崑崙一幹。瀰漫全國。故古稱崑崙爲中國山脈之祖。其餘之幹。則各盤鬱於一部分而已。茲分述四大幹脈。山脈圖詳十四頁

### 1 包繞藏邊之喜馬拉雅山幹。

此幹起於帕米爾高原之南。印度河曲之部。包繞藏邊。而東南走。崔巍磅礴。極於雅魯藏布江之西岸而止焉。長約四千餘里。廣約七百里。鬱爲西藏印度間一絕大障壁。


〔附註〕脈中有額非爾斯峰。高達二萬九千尺。夙稱世界第一高峰。嗣因大洋洲巴布亞島。有墨爾姑爾斯峰。高達三萬二千尺。較額非爾斯峰。尙高出三千尺。遂不能稱爲世界第一高峰。

### 2 分佈外蒙之阿爾泰山幹。

此幹起於俄領齋桑泊之北岸。走科布多之邊。爲大阿爾泰山脈。復繞唐努烏梁海之邊。爲薩彥嶺。而止於庫蘇古爾泊之東南。以上所述之山脊。皆國界之

分割線也。更分二支。

A 南阿爾泰山脈 斜亘於科布多之南。而東南走入瀚海。



B 杭愛山脈 橫亘於科布多與唐努烏梁海

之間者。為唐努山脈。更延長而東。橫亘於外蒙中部者。為杭愛山脈。

3 橫劃新疆中部之天山幹。

此幹起帕原北端。東走新疆之邊。為中俄分界線。更入省境。為汗騰格里山。高達二萬二千尺。脈亘全省。而盡於哈密東北之外蒙砂磧中。長四千餘里。

4 鬱聳於新疆西藏間之崑崙山幹。

此幹起於帕原東南麓之葱嶺。東南走。為喀喇崑崙山脈。高二萬七千尺。更東

走。爲西崑崙正幹。高達二萬尺上。東入青海西部。分爲三脈。是爲中崑崙

A 南脈 抱青海區域南界。爲唐古刺山脈。

B 北脈 抱青海區域北界。爲祁連山脈。

C 中脈 斜亘青海區域中部。爲巴顏喀喇山脈。高達萬八千尺。是爲中崑崙  
之正幹。

此三脈之分支。實徧佈於二十三省「本部滿洲」五特區之全境。是爲東崑崙。茲述  
東崑崙如次。

〔附註〕崑崙山脈。徧佈全國。有西、中、東之分。即在新疆境者。爲西崑崙。在青海境者。爲中崑崙。在二十  
三省五特區之全境者。爲東崑崙。以上所述四大山幹之高度。自南而北。漸次低下。即喜馬拉雅山  
之最高度。達二萬九千尺。崑崙之最高度。達二萬七千尺。天山之最高度。達二萬二千尺。阿爾泰山。普  
通高度。不能超過八千尺。唯庫蘇古爾泊北之穆遜山。達萬尺以上。

(壹) 東崑崙北支 陰山脈 脈起祁連山。自甘肅延入綏遠。而亘於河套之北。  
是爲陰山正脈。更東貫察熱兩區。北入黑龍江省。爲內興安嶺。入吉林省。爲完達

山脈。而秀起爲長白之名峰。更東南走入奉天省。爲千山脈。貫遼東半島。渡海入山東。而止於泰山。有主要支脈二。

(甲)山西支脈 此脈自綏遠東境。南走入山西。爲管涔山彙。分支東南走。爲太行山脈。西南走。爲呂梁山脈。東走。爲恒山脈。

(乙)熱河支脈 此脈如數條龍蛇。拱抱京畿。就中如霧靈山脈。七老圖山脈。松嶺山脈。俱甚重要。


〔附註〕陰山脈。在熱黑境上。亦稱興安嶺山脈。在奉吉境上。亦稱長白山脈。在山東境上。亦稱泰山脈。

(貳)東崑崙中支 北嶺

(甲)正脈 岷山爲北嶺起點。東入甘陝。爲秦嶺。入豫西。爲伏牛山脈。走豫鄂界。爲大別山脈。入皖。崛起爲天柱峰。即潛山。亦名霍山。餘脈盡於巢湖東南。

(乙)副脈 由秦嶺西部南走。爲嶓冢山。東折。走陝蜀鄂三省之交。爲大巴山脈。歷三峽。北折東轉。爲荆山脈。而盡於漢陽之龜山。

(參)東崑崙南支 南嶺 雲嶺。爲南嶺之發端。繞雲南滇池之南。而東走。爲烏



端為幕阜山。東折入贛。而盡於廬山。

『附註』萬洋山脈。在湘贛兩省界之南部。北走至江西蓮花萍鄉二縣之間。為羅霄山。故又有羅霄山脈之稱。

蒙山脈。入貴州為苗嶺。走兩粵北為五嶺。巨贛閩間。為武夷山脈。遂斜貫浙江全境。落東海為舟山羣島。擇述主要支脈。

(甲)武陵山脈 自貴州苗嶺東端分出。東北走。磅礴於湘蜀鄂三省之交。而盡於三峽。脈甚偉大。

(乙)衡山脈 衡山起頂於衡山縣之西北。凡七十二峰。南北縱走八百餘里。  
(丙)萬洋山脈 縱走湘贛界上。至北

(丁)仙霞山脈 崛起於閩浙贛三省之交。北走贛浙皖浙界上。分兩歧。一西折橫亘皖南。爲黃山。一北走浙西。爲天目山。延入江蘇。而盡於鍾山。

〔附註〕南嶺脈中。唯黃山最高。高六千尺。廬山沿稱高四千尺。近年實測。僅高二千五百英尺。武陵山脈。長千餘里。寬數百里。高達五六千尺間。是長寬高。俱甚昭著。其餘全脈。無甚高者。蓋南嶺全脈。原不及北嶺之高。而與陰山脈相伯仲。

(肆)東崑崙西南支 勾漏山脈 脈自雲南滇池西南。與南嶺分脈。而東南走。經越南境。北走兩粵界。至廣西容縣。起頂爲勾漏山。分兩歧。卽正脈東入廣東。盡於崖門。支脈南走雷州半島。而落海爲海南島。

(伍)東崑崙最西南支 橫斷山脈 共分數脈。甚偉大。縱走於川邊特區之上。而侵入川藏雲南之境。其要脈如下。

(甲)大雪山脈 此脈縱割於四川與川邊間。爲溢地「四川溢地」高原「西康高原」之界。

(乙)雲嶺他念他翁二脈 二脈平行縱貫於川邊。滇西。爲金沙江。瀾滄江。怒

寫真中國地理教本 全國地貌大勢  
江之大分水脊。



二地勢分高原、丘陵、平原、陵、原、部。之。述。三。原。高。部。原。高。鬱。

聳西北境。佔全國面積半數以上。少雨多寒。不適生存。析爲八區。

A 帕米爾高原 巍踞葱嶺高嶺。位於全國西端。

B 西藏高原 挾於喜馬拉雅、崑崙、橫斷山、三巨脈間。位於全國最西南部。

『附註』以上二高原之平地。俱臻萬二千尺上。實爲全世界第一高原。

C 青海高原 挾於中崑崙三脈間。位國中心。略偏西。

D 蒙古高原 挾於陰山、阿爾泰、兩長脈間。位於最北國境上。面積遼闊。

E 西康高原 踞橫斷山脈上。位於川藏青滇四省區之間。

『附註』以上五高原。多屬荒瘠不毛之地。

F 新疆高原 踞崑崙、天山、兩巨脈上。位於全國最西之境。面積遼闊。

G 甘肅高原 踞北嶺陰山分脈之部。位於本部西北角端。

H 雲南高原 踞橫斷南嶺勾漏三脈山彙之上。位於本部西南角端。

『附註』以上三高原上。不乏可耕之田。而雲南氣候地味。尤稱佳良。

### 高原高度面積比較表

高原名	比海水平面高出	面積
帕米爾	比海水平面高出 萬二千尺至萬五千尺	九,〇〇〇
西藏	全上	二,五六〇,〇〇〇
青海	萬尺至萬三千尺	二,〇〇〇,〇〇〇
西康	八千尺至萬二千尺	八四〇,〇〇〇
新疆	高地八千尺 河谷湖面二、三千尺至八百尺 平均三、四千尺	五,五〇〇,〇〇〇
蒙古	四千尺	六,〇〇〇,〇〇〇
甘肅	四千餘尺至五千餘尺	一,三二五,〇〇〇
雲南	七千尺	九〇〇,〇〇〇
合計	前四原最高雲南次之新疆最低	一九,一三四,〇〇〇 約當全國面積半數以上

2 邱陵部 邱陵約居全國面積十分之三。山饒林曠。坂谷宜農。已適民生。析爲六區。

A 滿蒙邱陵 察熱二區。屬東蒙範圍。與滿洲三省。皆跨陰山邱陵。西高東低。平均之。在三、四千尺間。

B 山陝邱陵 山西踞管涔、恆嶽、呂梁、太行、諸山地之上。要皆陰山支脈所構

成。陝西、踞巴山、秦嶺與隴坂。要皆北嶺幹支各脈所盤結。兩省邱陵界以黃河。平均高度約四千尺。

C 荆楚邱陵 橫亘豫鄂皖三省之交。皆踞北嶺之上。平均高度三千尺。

D 黔蜀邱陵 此部邱陵。踞巴山、苗嶺、武陵、大雪、四脈之間。亦即大江上游之南北嶺間。南部貴州邱陵。高三千尺。北部四川邱陵。係盆地狀。高二千尺。故貴州之水。北流入川。

E 東南邱陵 由江南之湘、贛、閩、浙。以至兩廣。皆跨南嶺幹支各脈之上。唯兩廣西南部。踞勾漏山脈之上。高度平均千尺。

F 山東邱陵 位山東半島之部。跨泰山、勞山邱陵之上。高度千一

邱陵高度面積比較表

邱陵名	比 海 水 平 面 高 出 面 積 方 里
滿 蒙	三、四千尺間
山 陝	四、四三〇、〇〇〇 九九〇、〇〇〇

荆楚	三千尺	三八〇、〇〇〇
黔蜀	黔三千尺蜀二千尺	一、七〇〇、〇〇〇
東南	千尺	三、四〇〇、〇〇〇
山東	千尺	三〇〇、〇〇〇
合計	山陝最高滿蒙荆楚黔蜀次之山東最低	一、二二〇、〇〇〇 約當全國面積十分之三以上

3 平原部 分爲高平原。邱陵平原。低平原。三種。要以後二平原。爲最主要。合計三種平原。僅居全國面積分之一以上。我國產米之地。不過此耳。

A 高平原 以滇池、寧夏、塔里木、拉薩、四平原。爲最主要。此四平原者。係於雲南、甘肅、新疆、西藏、四高原上。開河流沖積地層。以滇池寧夏兩平原。爲最豐沃。合計面積約十二萬方里。

B 邱陵平原

(甲) 成都平原 在四川成都附近。當岷沱灌域。水澤紛紜。地味腴沃。爲全國第一天府之區。

(乙)渭水平原 在陝西中境。當渭水灌域。爲西北內陸之寶庫。  
(丙)漢中平原 在陝西西南境。賴漢水灌溉。地味極腴。面積較小。  
(丁)松遼平原 在滿洲西部。當松花江遼水灌域。爲東北之穀倉。  
(戊)綏遠平原 位綏區陰山南。當黃河灌域。少雨多寒。農產較薄。  
以上五邱陵平原。合計約百十二萬方里。

〔附註〕成都平原二萬方里。渭水平原三萬六千方里。漢中平原四千方里。松遼平原五十萬方里。綏遠平原五十六萬方里。與前四平原之總面積相等。

### C 低平原

(甲)淮運平原 位燕、豫、魯、皖、蘇、浙六省間。係江淮河沽四水所沖積。淮域居中。而運河適縱絡四水尾閭。農產豐沃。而面積廣大。在各平原中。尤居第一。

(乙)粵東平原 位於廣東省垣附近。係珠江所沖積。地味上腴。

(丙)江漢平原 在湘鄂間。爲江漢沖積地層。湖泊駢羅。

(丁) 蕪湖鄱陽兩平原 前者在皖東。係巢湖及青弋水陽等江灌域。後者在贛北。係鄱陽湖西南水澤交叉之地。俱以產米著名。

以上五低平原。並其他小平原合計之。約三百萬方里。

『附註』以上五平原面積。淮運二百十六萬方里。粵東五萬四千方里。江漢二十萬方里。蕪湖四萬方里。鄱陽三萬三千方里。此外尚有紹興、福州、漳州、潮州等平原。

平原高度面積比較表

名稱	高度	面積	備考
高平原	自萬尺至二千尺	十二萬方里	拉薩平原萬尺塔里木平原二千尺
邱陵平原	自四千尺至二千尺	一百一十二萬方里	綏遠平原四千尺成都平原二千尺
低平原	概在二百尺下	二百五十萬方里	
合計	拉薩最高「萬尺」淮運最低「多 在百尺下」	三百七十四萬方里約當全 國面積十分之一以上	

三水域

1 河流區域

A 入太平洋水域之範圍。

(甲)自中崑崙。祁連山。東北走。爲陰山脈。至黑龍江省西南端。延入外蒙東部。若斷若續。以接肯特山。而與俄境外興安嶺。相銜接。

(乙)自中崑崙。唐古刺山。東南走。爲雲嶺。更延展而爲勾漏山脈。

(丙)此二山脈間之地勢。由西而東。爲山嶽地。爲邱陵地。爲平原地。以接海岸。故其水。皆東南流。而注入太平洋。

B 入太平洋諸水之綱要。

(甲)匯流於陰山阿爾泰山兩脈尾部之東者。曰黑龍江。


(乙)匯流於陰山脈之東南者。曰遼河。曰沽河。

(丙)匯流於陰山北嶺之間者。曰黃河。曰淮河。

(丁)匯流於北嶺南嶺之間者。曰大江。曰運河。

(戊)匯流於南嶺尾部數歧之間者。曰浙江。曰甬江。靈江。甌江。

(己)匯流於南嶺勾漏山脈之間者。曰閩江。曰珠江。



C 入印  
 度洋水  
 域之範  
 圍  
 (甲) 自  
 中崑崙  
 唐古刺  
 山東南  
 走。爲雲  
 嶺。更延  
 展而爲  
 勾漏之  
 脈

(乙)自中崑崙西走。爲西崑崙正幹。再西與興都庫什山脈相銜接。  
(丙)此二山脈橫阻於亞洲南部。故其南之水。皆南流。而注入印度洋。

D 入印度洋諸水之綱要

(甲)匯流於橫斷山脈之間者。曰元江。曰瀾滄江。曰怒江。曰伊拉瓦諦江。

(乙)匯流於橫斷山脈與崑崙山喜馬拉雅山間者。曰雅魯藏布江。

(丙)匯流於喜馬拉雅與撒里曼山脈。曰印度河。

E 入北冰洋水域之範圍

(甲)自天山最北脈之塔爾巴哈台嶺。接阿爾泰山而東走。橫亘外蒙全境。爲杭愛山脈。遂東北走入俄境。爲外興安嶺。

(乙)此山脈以北之地勢。展爲向北傾斜之西伯利亞平野。故其水。皆北流。而注入北冰洋。

F 入北冰洋諸水之綱要

(甲)匯流於杭愛山之北者。曰色楞格河。匯流於唐努山之北者。曰烏魯克

穆河。二水北流。至西伯利亞相會。曰葉尼塞河。

(乙) 匯流於塔爾巴哈台嶺及阿爾泰山之間者。曰額爾齊斯河。西北流入俄境。曰俄比河。

#### G 內陸水域之範圍

(甲) 自崑崙崙幹脈東走。爲巴顏喀喇山脈。北分支爲南山叢嶺。接祁連山。陰山。至黑龍江省西南端。迴折而西。入外蒙車臣汗境。若斷若續。以接肯特山。

(乙) 自天山最北脈之塔爾巴哈台嶺。接阿爾泰山而東走。橫巨外蒙全境。爲杭愛山脈。遂東北走。而抵於肯特山。

(丙) 此二山脈間。卽中國橫長萬里之大沙漠帶。其間之水。皆囿於山勢。無路入海。一瀦爲湖泊而止焉。是爲內陸河流之區域。

#### H 內陸諸水之綱要

(甲) 囿於天山崑崙間之水。曰塔里木河。瀦爲羅布泊。〔新疆〕

(乙) 囿於天山脈間之水。曰伊犁河。西流入俄境。瀦爲巴爾喀什湖。〔新疆〕

(丙) 圍於巴顏喀喇山及祁連山間之水。曰柴達木河。〔青海西北部〕

(丁) 圍於祁連山及流沙間之水。曰疏勒河。〔甘肅西部〕

〔附註〕今西套蒙古。接連甘肅西北。皆古流沙地。禹貢「導弱水。入於合黎。餘波入於流沙。」弱水卽由酒泉北流之涇賴河。亦名坤都倫河。


2 湖泊區域 湖泊約分鹹水淡水二類。鹹水湖者。只納不洩。故又名容受湖。概在內陸流域之部。淡水湖者。旋納旋洩。故又名交與湖。

A 鹹淡湖區之界劃 自奉、黑、熱、蒙、四省區。分界點之索岳爾濟山。爲起點。向西南。循蘇克斜魯山。至白岔山。包察區東南界。而入山西。歷管涔、太行、中條。而由秦嶺。抵岷山。遂沿橫斷山脈。以接喜馬拉雅山。此線西北。爲鹹水湖區。東南。爲淡水湖區。

### B 鹹淡湖泊之概要

甲、鹹水湖區 鹹水湖區之中。非無淡水湖。唯甚少耳。其鹹水湖。如察區之達謨斯淖爾。山西之鹽池。甘肅之花馬池。西套蒙古之吉蘭泰鹽池。羌藏之


青海騰格里海。新疆之羅布泊等。皆最著名。



乙、淡水湖區 如雲南之滇池。洱海。湖南之洞庭。江西之鄱陽。安徽之洪澤

巢湖。江蘇之太湖。吉林之興凱湖。皆最著名。

四沙漠。沙漠地帶即內陸流域之變名。乾燥乏雨。不適生存。爰綜考之。




第二編 概論 地勢 沙漠

### I 山脈

A 沙漠南邊。限於崑崙、祁連、陰山、三脈。

B 沙漠北邊。限於阿爾泰山等脈。山形似岸。沙漠似古海涸底。

『附註』如蒙古沙漠。名曰瀚海。即係古海涸底之義。



中國海岸略圖  
A 煙台 B 威海衛

2 區域

A 東部 巨內外蒙古間。

B 中部 延續於(甲)西套蒙古(乙)嘉峪關外(丙)青海區域柴達木部

C 西部 在新疆省境

3 經緯線

方向	經度線	方向	緯度線
東起	東經二度『蘇克斜魯山西』	南起	北緯三十七度『新疆和圖縣北』
西起	西經四十度『新疆英吉沙爾縣』	北起	北緯四十七度『外蒙車臣汗中部』
合計	經線占四十度	合計	緯線占十度

4 面積

A 東西橫長 占經度四十二『然係斜勢則愈較延長』計約萬里

B 南北縱寬 占緯度十『然係斜勢則愈較偏仄』平均之約三百里

合計 橫長萬里。縱寬三百里。共三百萬方里。不足全國總面積什之。

四海岸 中國東南瀕海之省凡七。曰奉天、曰直隸、曰山東、曰江蘇、曰浙江、曰福建、

曰廣東、析爲四部。曰黃海、曰渤海、曰東海、曰南海。

1 黃海 自鴨綠江口起。至大江口止。沿奉、魯、蘇省。皆爲黃海。除遼東山東兩半島爲巖岸外。餘爲砂岸。有旅順、大連、烟台、威海、膠州等著名灣港。

2 渤海 自山東登州岬。歷廟羣島達奉天老鐵山嘴。此線以西。爲渤海。挾於奉直魯三省間。除遼東牛島巖岸外。餘爲砂岸。有大沽口、秦皇島之主要灣港。

3 東海 自大江口起。至廈門灣南嘴止。沿蘇浙閩省。皆爲東海。全係巖岸。有象山、溫州、三都、福州等著名灣港。

4 南海 自廈門灣南嘴起。至北崙河口止。沿閩粵省。皆爲南海。全係巖岸。有汕頭、大鵬、珠江口、廣州灣等著名灣港。

### 第三編 分論 天然流域與社會狀況

(一) 黑龍江流域「行政區劃述吉林黑龍江二省區」

#### 1 範圍

A 阿爾泰山之尾。至外蒙車臣汗部。起頂爲肯特山。向東北走入俄境。爲外興安



## 2 水系

A 黑龍江 南源額爾古納河。出外蒙車臣汗部之肯特山。會北源石勒喀河。『即鄂嫩河』東流。至黑河口。納松花江。又東納烏蘇里江。自源至此。已長六千餘里。更東流入俄境。注韃靼海峽。全長九千里。

B 松花江 源出長白山巔。西北流納嫩江。折東北流。注黑龍江。

C 此外有圖們江。出長白山東南。爲中韓界水。東注日本海。

『附錄』額爾古納河。黑龍江。烏蘇里江。皆爲中俄界水。長白山巔。有龍潭。亦曰天池。又名圖們泊。由北崖瀉下。名二道白河。即松花江之上源。

## 3 地貌

A 西部 內興安嶺之巨脈。與其北麓之黑龍江流。作同一之彎曲狀。綿亘甚遠。  
B 東部 長白山彙。北出爲小白山脈。『亦名老嶺』東北出。爲完達山脈。東出爲老松嶺。西南出。爲龍岡山脈。盤紆無際。故全流域十分之九。爲邱陵地。森林叢鬱其上。彌望皆是。唯松花江曲之部。長爲平原。

4 氣候 黑龍江省極寒。八月飛雪。吉林省因大山環抱。低地較暖。雨澤均不多。

『附錄』黑龍江省。冬寒。降至零下三十八度。尤奇者。晴日當空。無雲飛雪。其寒可想。

5 物產實業 本流域爲全國森林。黃金。第一產地。盛產獸皮。而貂皮尤稱貴品。松

花江域。產魚類。東珠。人參。農產大豆。小麥。菸麻。

6 人種及民生 北部多「達呼爾」「鄂倫春」等人種。以獵爲業。東北部有赫斤人。

捕貂捕魚。又稱魚皮韃子。漢民居山間者。多業獵獸。掘參。伐木。採鑛。唯西南平原。

市埠蔚起。民多經營農商。沿中東幹線。俄人移住甚盛。間島一帶。多韓人雜居。

『附註』達呼爾人。即契丹人種。遼之遺民也。鄂倫春人。爲女真人種之別派。善於騎馬使鎗。有步及猛獸之

勇。此等人種。多居於黑龍江省山中。按金及前清。皆爲女真人種。赫斤人。亦屬女真別派。居於吉林東

北境。凡依蘭以東之松花江岸一帶。皆是。因松花江中盛產魚類。故食魚肉。服魚皮。遂有魚皮韃子之稱。

7 交通之大勢 黑松。烏。三江航業。昔爲俄人獨佔。今有收回之望。中東路橫亘北

滿。分一支線。南走旅順。其勢力範圍。長春以北屬俄。以南並吉長路。皆屬日。

『附註』中俄協定。係民國十三年五月三十一日所簽字。其第八條。載明航行問題。按照平等原則規定之。

中東路支線。自長春以南。至旅順之間。名南滿鐵路。係甲辰戰後。光緒三十一年。俄人轉讓於日本。至民國四年。日本提出二十一條之要求後。竟延期爲九十九年。

8 政治區劃 本流域。在政治區劃上。賅括二省。北爲黑龍江省。南爲吉林省。

9 省界

A 吉林省 東界俄。南界日。北界黑龍江。南及西南。界奉天。

B 黑龍江省 北界俄。西南界蒙古。南以松花江界吉林。

10 名城與特色

A 吉林省 (甲) 松花江源之古都 吉林 爲吉林省會所在。古名船廠。瀕松花江之上游。據吉長路之東端。羣山環繞。形勢雄壯。人口八萬。

〔附註〕明初。永樂洪熙。宣德。三朝。累興水師。招撫東夷。曾造船於此。而清初征俄羅斯。亦曾造船於此。故有船廠之名。

(乙) 北滿兩大商埠。1 濱江 土名哈爾濱。瀕松花江南岸。昔爲荒地。自築中東路以來。遂爲水陸要衝。驟成北滿第一大埠。2 長春 土名寬城子。地據南北



許韓民移居。迄於今日。大有喧賓奪主之勢。

『附註』圖們江域四縣。即延吉、琿春、汪清、和龍。本無間島之名。名創於韓人。疑卽「墨土」之音轉。按間島問題。起於光緒三十二年之間。至宣統元年。始告結束。今入其境。什之八九皆韓人也。

滿之交。扼吉長、中東、南滿、三路之樞。而當吉奉東蒙之要衝。故商務繁盛。

『附註』中東初名東清。係於光緒二十九年。全路通車。

(丙) 韓民移居最盛之地  
 間島 卽圖們江域四縣之地。自日併朝鮮。力索斯土。始有間島之名。湧現於世。其結果。仍以圖們江爲國界。而准

B 黑龍江省 (甲) 中國最北之省會。龍江。原名齊齊哈爾。爲黑龍江省會所。在瀕嫩江東岸。而據齊昂鐵路之北端。商況稍盛。



〔附註〕齊昂輕便鐵路。自省垣南走四十五里。至昂昂溪。接中東路。龍江。位於北緯線四十七度以北。十二省之省會。此爲最北。

(乙) 省東西之門戶 愛琿 縣城瀕黑龍江之西岸。昔爲要塞。與我江東六十屯地。隔水相望。其北九十里。黑河屯。爲預定對黑鐵路終點。實省東之門戶。臚濱 本名滿珠里。當中東路入境之首衝。爲省西之門戶。

〔附註〕咸豐八年。愛琿條約。割黑龍江以北之地於俄。唯江東六十四屯。仍爲我所有。迨光緒二十六年。俄人強佔。迄不復還。對青山。係中東路之一站。在松花江北岸。呼蘭縣西五十里。南距哈爾濱甚近。由此築路。北達黑河屯。是曰對黑鐵路。

(丙) 呼倫與壽寧 呼倫縣治瀕海拉爾河南岸。扼中東鐵路。爲俄蒙互市場。壽寧寺。一名趕集廟。在呼倫縣南境。每年八月。貿易甚盛。

〔附註〕縣本名呼倫貝爾。因西境有呼倫湖。南境有貝爾湖。二湖俱周百餘里。故名。又有海拉爾之名。



壽寧寺。瀕貝爾湖之東。每月八月。一云五月。蒙古人不遠千里。而來此拜佛。因而互市。列帳百里。貿易甚盛。

## 二遼水流域『行政區劃上述奉天熱河二省區』

### 1 範圍

A 龍岡山脈。走至奉天與京東北。分兩歧。西北走。爲吉林哈達山脈。西南走。爲千山脈。

B 陰山脈。走至熱河西界。秀起爲白岔山。分兩歧。東南走。爲七老圖山脈。北走。爲蘇克斜魯山脈。兩脈對抱之間。卽遼河水系之全城。

### 2 水系

A 遼水。出白岔山下。東流。入奉天省境。納東遼河。遂南流。納渾河。『卽小遼河』。至營口。注渤海。

『附錄』西遼河一名錫刺木倫河。譯卽潢河。至奉天遼源縣境。納東遼河。卽赫爾蘇河。小遼河。卽瀋水。省垣在其北。故名瀋陽。



4 氣候 冬季嚴寒。少雪。夏季酷熱。雨尚饒足。

5 物產實業 A 西南邱陵地。「熱河」產穀物。甘草。金。銀。煤。鹼。而銀鑛尤豐。 B 東

部邱陵地。「奉天」饒林鑛。煤鐵尤盛。北多人參。南多柞蠶。 C 中部遼河平野。多

高粱大豆。 D 東蒙平原。牧畜盛行。方事農墾。

〔附註〕如撫順。烟台。兩煤鑛。鞍山。在遼陽南。鐵鑛。本溪湖煤鐵鑛。鴨綠江右岸森林。多已入日人勢

力之下。 熱河銀鑛之豐爲全國第一多在平泉縣境。

6 人種及民生狀況 A 長城柳邊之北。屬東蒙三盟。業畜牧。然已漸與漢人同化。

且自清末。漢族移墾甚盛。 B 奉天省。人口密度。遙邁吉黑。概質樸。營農商。民性

豁達。 日本人及韓人。移住甚盛。

〔附錄〕內蒙六盟。所謂東四盟。西二盟是也。本域在東四盟範圍之內。四盟之名。若何。1 最東者。爲哲

里木盟。在奉天北境。2 次西者。曰昭烏達盟。在熱北。曰卓索圖盟。在熱南。3 最西者。曰錫林郭勒盟。不

屬本域。在察區北境。

7 交通之大勢 A 水運 有遼河。與渤海黃海舟航之利。 B 鐵路 有京奉。南

滿、安奉、四洮、鄭白、錦朝、奉海、等線。鐵路網之密。居全國第

8 政治區劃 本流域。在政治區劃上。賅括一省一區。遼水上游。爲熱河特區。遼水中下游。爲奉天省境。

9 界劃 A 奉天省 東界朝鮮。東北界吉黑。西界外蒙熱河直隸。南瀕黃海渤海。B 熱河特區 東界奉天。南界直隸京兆。西界察哈爾。

10 名城與特色

A 奉天省

甲 全滿第一名都 瀋陽 爲奉天省會所在。具代表全滿睥睨太平洋之形勢。臨遼河沃野。而據鐵路中樞。人口二十萬。

乙 鴨綠江上之門戶 安東 據鴨綠江之西岸。而扼安奉京義兩線之樞。有日本租界在焉。門戶洞開。商況居營口之次。

『附錄』韓半島之鐵路線。1 由其京城至鴨江東岸之義州者。曰京義線。2 由其京城至半島南端之釜山者。曰京釜線。

丙營口與大連 營口商況。昔居滿洲居一。今已爲大連所奪。因大連自日人經營以後。爲陸海中樞。轉輸極便。水深不冰。營口扼遼河尾閭。天然人爲兩方面。俱遙遜焉。

丁日人勢力之澎漲 日人既租借旅順大連。爲根據地。復奪南滿東蒙。主要路鑛。徧佈軍警。侵我主權。至民國四年。更攫去農商雜居之權。於是滿蒙實力。全歸日人。

『附錄』日人於甲辰之役。戰勝強俄。遂奪得旅大租借權。迨民國四年。向我國提出五項要求。共二十一條。於是南滿安奉兩線。租借展期。爲九十九年。吉長抵押三十年。而京奉四洮等線。皆須借用日款。且爭得租田、築房、經營農商、移民雜居之權。而租借地鐵路沿線。分佈軍警。已達兩萬餘人。復組織南滿公司。與發滿洲實業。網羅一切利益。

## B 熱河

甲清帝巡幸之故都 承德 卽熱河區會所在。無城垣。據山間立治。爲康熙咸豐間。歷年清帝遊幸之所。有避暑山莊在焉。



乙東蒙第一埠 赤峰 踞遼水上游。爲東蒙商貨出入中樞地。  
 三沽河流域「行政區劃上述京兆直隸察哈爾三省區」

- 1 範圍 陰山至綏區東北境。幹支分脈。A 幹脈東北走。入察區。B 支脈。南貫山西省境。爲管涔山。更東南走。爲太行山脈。二脈遙與渤海岸相擁抱間。爲沽河水系之全域。
- 2 水系 沽河匯五

水而成。

A 白河 卽沽河正源。出察區沽源縣北。『中游以下名北運河。』

B 永定河 出山西朔縣及寧武縣。『上游名桑乾河。』

C 大清河 出直隸涞源縣。『上游名拒馬河。』

D 子牙河 (甲)西源滹沱河。出山西五台山東北。(乙)南源滏陽河。出直隸

磁縣。

E 南運河 係漳衛合流。漳水出山西太行山。衛水出河南輝縣。合流入山東。折

北流。入直隸。爲南運河。

五河至天津附近並會。是爲沽河。又名海河。出大沽口。注渤海。

### 3 地貌

A 陰山幹脈。入察區。爲坡陀地。其餘脈南侵入直隸北境。

B 太行山脈。磅礴於山西直隸之間。更東北走。入燕北。與陰山餘脈合。

故沽域地貌。在上流察晉燕北。概爲邱陵。中下流域。開爲畿輔平原。

○海岸 本域東抱渤海。皆屬沙岸。以大沽口、秦皇島、爲最著名。

4 氣候 西北邱陵。多寒少雨。東南平原。較爲溫暖多雨。概苦「沙風」春旱。

〔附註〕沙風即朔風。由蒙古沙漠吹來。黃塵蔽天。故曰沙風。

4 物產 農產。玉蜀黍、高粱、粟、麥、果實。邱陵地帶。牧畜甚盛。且爲煤之大產地。特產。察區鹽馬。直隸鹽綿。

〔附註〕察哈爾商都縣。及其北端之達里岡崖牧場。皆爲全國第一名馬產地。北部沙漠多鹽池。盛銷於東蒙各地。若直隸海鹽。則銷行於本省及豫北一帶。

乙人種民生狀況 察區係蒙古牧地。北境屬東內蒙之一盟。南境屬察哈爾蒙旗牧地。故游牧盛行。然南部已漸化漢俗。餘盡漢族。邱陵地域。天寒土瘠。民生殊艱。畿輔平原。雖稱肥腴。然旱潦疊告。豐年罕見。人烟稠密。田不足耕。故其民多半務農。少半赴滿蒙及其他各地。從事工商。風俗質樸。

〔附錄〕察區北部。係錫林郭勒盟牧地。居瀚海中。業游牧採鹽。爲內蒙生計最苦之部。與前述之哲里木、昭烏達、卓索圖、合稱東蒙四盟。察哈爾三字。係近邊之義。前清防其叛亂。沿同滿人。分爲八

旗轄以都統。

7 交通之大勢 A 水運 沽河水系。東注渤海。多輪帆之利。 B 鐵路 有京奉、

京漢、津浦、京綏、四線。縱橫四出。正太線。則接京漢線。西走陽曲。

8 政治區劃 沽河灌域。約爲京直全部。察晉豫魯各一部。然在政治區劃上。主爲直隸省。京兆、察哈爾、兩特別區域。餘省各有主流。

### 9 界劃

A 京兆特區 三面界直隸。唯北端一部界熱河。

B 直隸省 北界熱察。東抱渤海。界山東。西界晉豫。


C 察哈爾特區 南界直晉。東界熱河。西界綏遠。北界外蒙。

### 10 名城與特色

#### A 京兆特區

甲 全國政治文化中心 北京即大興宛平。爲八百年來之舊都。臨全國大平原之北端。左瀕海洋。後擁長城。陰山。沙漠。而據四路中樞。形勝甲於全國。有外

### 北北京內城外略圖



南。極於浙西。長三千餘里。紫禁城。前半爲太和、中和、保和、三殿。於民國之初。即行開放。後半爲清宮。於民國十三年秋。開放爲故宮博物院。四路指京奉、津浦、京漢、京綏而言。

第二編 分論 京兆 直隸

城內城、皇城、紫禁城、中央政府。及各種學校均在焉。人口百二十萬。

『附錄』北京。自遼太宗會同元年稱京。『時稱

南京』以來。歷年。遼一八三。金六三。元一零五。

明二二四。清二六八。民國一六計。八五八年。

中國第一大平原。起北京。歷魯、豫、皖、蘇。並海而

乙南口與古北口 爲通西綏東熱之隘口。(1)南口。卽居庸關。西登四十八里之狹澗。上八達嶺。古稱絕險。今京綏路通過之。(2)古北口關門。鑿山而過。僅足容車。爲將來京熱路之咽喉。

〔附錄〕南口。在京西九十里。昌平縣西二十里。古北口。在京北二百四十里。密雲縣北一百二十里。

### B 直隸省

(甲)北中國第一埠 天津 爲直隸省會所在。兼爲商埠。據鐵路之樞。而扼沽河與渤海航運之會。爲北中國十五省區貨物總出納地。商況之盛。與漢口相伯仲。人口七十萬。

〔附錄〕天津係咸豐十年。開爲商埠。北距北京二百四十里。東距大沽口一百六十里。十五省區者。卽京、直、魯、豫、晉、陝、甘、新、蒙、及陰山三區。〔綏察熱〕滿洲三省。〔奉吉黑〕是也。其商業範圍。實佔全國之半。

(乙)天下第一關 山海關 位於陰山餘脈與渤海之隘口間。爲直奉之門戶。

〔附註〕山海關。東門額曰。天下第一門。相傳係明代嚴嵩所書。

(丙)開灤礦與秦皇島 開灤煤礦。開採最早。質佳而量豐。足稱中國名礦之一。其行銷海外。概自秦皇島出口。蓋島以不冰之故。自行開放。開埠之費。始終出



自開灤鑛局。其出口之貨。亦煤居多數。故秦皇島。與開灤鑛。關係最切。

〔附註〕秦皇島。係光緒二十四年。自開四埠之一。餘為岳州。三都澳。營口。開埠時。由直都裕祿扎委開平鑛務局。收買島地經營之。故秦皇島商埠。係開灤鑛務局事業之一部。



察哈爾區域略圖

(丁) 清苑與邢台

清苑 故保定府  
 治。為舊省會所在。  
 南瀕府河。西扼京  
 漢鐵路。商況甚盛。  
 邢台 故順德  
 府治。據京漢路。為  
 將來濟順路線之  
 終點。實畿南一商  
 業中心地。以皮貨

著名。

『附註』清苑。爲清代直隸省會所在。相傳城內有七十二個衙門。至庚子亂後。天津交涉漸繁。省會遂移於津門。府河。一名清苑河。發源於滿城一畝雞距二泉。東流注白洋淀。通大清河。可達於天津。邢台皮貨。卽羊皮裘原料。來自內蒙古。綏遠。山西各地。城內外有作坊八十家。專製皮貨。有皮店二百家。運銷於九江上海京津等處。兩城人口俱八萬。

### C 察哈爾特區


(丙) 借地設治之都會 張家口 爲察區政治中心地。却屬直隸萬全縣之一鎮。與俄蒙交易甚盛。人口六萬。

『附錄』察與直。以長城分界。張家口之位置。確在長城南。係直隸萬全縣所屬之一鉅鎮。察哈爾都統。係借地而治。故有遷治「多倫」或「商都」之議。今直隸萬全縣署。在張家口。而察區之張北縣署。在口北九十里之故輿和縣城。職是故也。

四黃河流域「行政區劃上述秦晉隴羌綏五省區」

## 1 範圍

第二編 分論 察哈爾 黃河流域



A 祁連山。東走爲陰山脈。橫亘綏區全境。南分支。縱貫山西省。爲太行山脈。  
 B 巴顏喀喇山脈。東走爲岷山。秦嶺。至豫西。折東北走。爲嵩山之脈。

兩脈對抱之間。爲黃河中流以上之全域。蓋黃河自滎澤以下。與衛淮兩域間。

無山脈之限。僅隔一隄耳。

〔附註〕河東以隄。隄北屬衝域。隄南屬淮域。

## 2 水系

A 黃河。出青海區域。噴達素齊老峰下。東流繞積石山之南麓。入甘肅。過賀蘭山東。盤折於綏區。是謂河套。南流爲山陝界。東納汾水。〔出山西管涔山〕西納渭水。〔出烏鼠山橫貫甘陝境〕觸潼關。而東流於晉南豫北。而南納洛水。〔出陝西秦嶺〕北納沁水。〔出山西綿山〕遂截直隸南端。入山東。注渤海。長八千一百里。B 此外有〔甲〕嘉陵江。出秦嶺南。歷陝甘間。南流入川。〔乙〕漢水。出嶓冢山。逕陝南。而東流入鄂。

3 地貌 滎澤以上之河域。萬山磅礴中。有平原二三。茲述如次。

### A 山地

〔甲〕在青海區域。有中崑崙三脈。萬峰挿空。平地出海面萬尺上。  
〔乙〕在甘陝南境。鬱聳爲秦嶺。有華嶽魏盞天際。北境崛起爲六盤山。山分兩脈。東南走爲隴坂。東北入陝北。爲橋山等脈。

(丙) 在山西境。除太行外。有太岳呂梁恆山中條等脈。以上甘陝晉三省山地。概出海面四千尺。乃至六千尺上。

(丁) 在河南境。有嶠坂山脈。屏於河洛之間。

B 平原

(甲) 渭水平原。東西六百里。爲關中肥沃之地。

(乙) 寧夏平原。東接河套平原。所謂黃河千里富寧夏。蓋灌溉得宜。產穀豐饒。

(丙) 漢中平原。東西百餘里。溝渠縱橫。爲陝南上腴。

(乙) 河洛平原。在豫省西部。爲小麥產地。西南接秦嶺邱陵。

『附錄』渭水平原東起潼關。西抵鳳翔。長六百里。寬自五十里至百里不等。盛產綿麥。禹貢所謂厥土爲黃壤。厥賦唯上上也也。後套自清末開入大長渠後。灌溉頗資得力。然前套果蠶開長渠。引

河水灌溉。則綏遠必成一絕大產米之區。漢中自蕭何開溝渠灌溉。迄今民食其利。其腴沃遙過

渭原。真天府樂郊也。

4 氣候 青海氣候最劣。長年多寒。次爲甘陝晉綏。皆多寒少雨。沙風蔽天。然愈南

則愈良。如晉南陝中。溫暖與河南相似。甘肅東南端。與川北相似。陝南漢域。溫熱多雨。與江域同。


5 物產實業 青海產犛牛、麝香、犀黃、羊毛、青鹽、大黃、紅花、葡萄。甘肅產羊毛、水蒸、各種皮毛。陝西渭域產麥綿。漢域產稻。北部牧畜。南部森林。並稱繁盛。山西煤鐵鹽最饒。西南部產麥棉。人工鐵器、汾酒。綏遠則以亞麻、棗子、皮毛、著聞。

### 6 人種及民生狀況

A 蒙古 居青海西套者。畜牧販鹽。住蒙古包。散漫野處。居綏遠者。半耕半牧。境闊人稀。『漢人亦稀。多葷屋窰居。』

B 氐羌 居甘肅青海者。胥業畜牧。兼營農商。若青海野番。蠻悍。猶是原人生活。  
C 回族 在甘肅者。自東干亂後。不齒於漢族。謀生彌窘。在陝晉綏者。胥務農商。與漢民同。

D 漢民。在甘肅者。耕牧參半。羈服穴居。在陝北者。亦兼重牧畜。人烟稀疏。然至渭水平原。頓見民殷物阜。陝南漢域。物產民風。略似川鄂。與陝北較。渺如隔世。晉



人精商善蓄。良儉殷富。足稱特色。

## 7 交通之大勢

A 鐵路 正太入晉。京綏綏包入蒙。隴海。已至河南陝縣。

B 主要陸路 (甲) 由潼關。經長安。入甘肅。歷臬蘭。出嘉峪關。赴新疆。是爲西北大道。(乙) 秦嶺東端。有藍關。通武關之路。爲陝鄂間唯一之通道。西部有秦棧。蜀棧。爲陝川間唯一之通道。

『附註』藍關。在長安東南二百六十八里。武關。在藍關東南三百里。秦棧亦曰北棧。自寶雞縣南十里。益門入棧。至褒城而盡。長五百六十里。『寶雞在長安西南四百四十里。』蜀棧亦曰南棧。自沔縣至甯羗西南七盤關而止。長二百四十五里。以下入川。仍有蜀棧。

C 水路 黃、渭、漢、三水。俱通行帆船。

8 政治區劃 按黃河灌域。本歷羌、隴、陝、綏、晉、豫、直、魯、八省區。然在豫在魯。俱不及其全省面積什之二三。在直境者尤微。故政治區劃上。唯述甘肅、陝西、山西、三省。青海、綏遠、二區。

『附註』青海。兼括江源。似宜屬諸江域。然在行政系統上。與西套蒙古。同爲甘肅附屬區域之部。故

宜歸入黃域

### 9 省界

A 陝西省 東界晉豫。南界鄂蜀。西隴。北綏。

B 甘肅省 東界綏陝。南界四川。西挾青海。西北界新疆。北界外蒙。

C 山西省 東界直隸。南界河南。西界陝。西北界綏察。

D 綏遠特區 東界察哈爾。南界山陝。西南界甘肅。北界外蒙。

E 青海附屬區域 東與東南界甘肅川邊。南界西藏。西界新疆。

### 10 名城與特色

#### A 陝西省

(甲) 歷史第一名都 長安 爲陝西省會所在。據渭原之中樞。擁關中之形勝。在歷史地理上。俱足稱第一名都。將來隴海同成兩路通行。其繁盛必爲西北冠。人口十二萬。

『附錄』長安爲周、秦、西漢、隋唐之故都。而西晉愍帝。前趙劉曜。前秦苻健。後秦姚萇。西魏後周。並曾

都此。凡十一代。上中古南史之名都。唯此耳。再就關中之形勝觀之。亦非他都所能及。

(乙)漢水上游之天府。南鄭卽漢中。據漢水上游之沃野。而當秦隴蜀鄂交通之衝。氣候水利。俱冠西北。故民殷物阜。商况繁榮。

(丙)咸陽與榆林。咸陽。當渭水航運之終點。而扼由長安赴甘川大道之分歧地。故商况甚盛。城北畢原。冢墓纍纍。富有歷史興味。榆林。爲陝西最北之名城。北距長城僅十里。與蒙古交易甚盛。

『附錄』秦自孝公。至孺子嬰。卅世居咸陽。按地理通稱。山南曰陽。水北曰陽。此縣城居渭水之北。九嶷山南。是山水皆陽。故曰咸陽。城北五里曰畢原。昔秦始皇時。離宮別館。相望於道。蓋在此原之上。今則西周秦漢君臣陵墓多在焉。歷史興味之濃厚。蓋不在長安下。榆林。南距長安一千三百五十里。爲明代抵禦蒙古之地。每年一三五七九。十一等月。與蒙古有定期商會。

B 甘肅省 (甲)黃河帶城之都會。皋蘭。爲甘肅省會所在。附近擁平原。南面五泉山。黃河緊逼北城根下。而東流。河畔三都。「皋蘭開封濟南」斯爲特色。爲隴坂以西唯一之政治商業中心地。人口八萬。

『附錄』五泉山。亦曰皋蘭山。環拱皋蘭城郭。如張兩翼。有五泉。曰甘露。曰翔月。曰摩子。曰蒙。曰惠。瀑布飛流。水味甘美。開封。濟南。距黃河。皆在十五里外。唯皋蘭北城根。下距黃河水。僅二丈耳。皋蘭。盛產水菸。冠於全國。

(乙) 遙治青海之都會 西寧 瀕湟水南岸。甘邊寧海鎮守使駐此。兼爲青海

辦事長官。實青海政治中心地。『青海全區無縣城。此卽其寄治之都會』

(丙) 賀蘭山下之名城 寧夏 位於甘肅東北端。黃河沖積平原之上。水利冠絕西北。諺云『黃河千里。唯富寧夏』。甘邊夏鎮守使駐此。兼轄西套蒙古。

(丁) 天水與酒泉 天水 爲嬴秦發祥之地。擁秦嶺而帶渭水。爲隴南巨邑。酒泉 故肅州。西距嘉峪關七十里。爲省西北之門戶。

『附錄』晉伯益之後。有惡來者。爲紂臣。其五世孫名非子。爲周孝王。牧馬於汧渭之間。馬大蕃息。乃封之於秦。卽此地也。前清名秦州。民國復古。名天水。雖全境多山。然氣候較之六盤山北。已屬溫暖。而有雨。故爲隴南鉅縣。縣城有人口八萬。酒泉東南距皋蘭一千四百七十里。悠悠長途。挾於祁連合黎兩山之間。然自此西出嘉峪關。卽爲赴新疆大道。古酒泉在酒泉縣東關外。方八九尺水。清

見底。遊魚逐隊。泉發如珠。前爲清廟樓。聯云「中聖人之清。有如此水。」「取醉翁之意。以名吾亭。」

## ○山西省

(甲)全晉第一名都 陽曲 爲山西省會所在。位汾東平原上。扼正太路之西端。爲全晉政治軍事商業中心地。人口十萬。

(乙)晉北之鎖鑰 大同 據京綏路南蔽省垣。東擁京師。北控綏察。爲晉北之鎖鑰。

〔附錄〕大同據雁門關外之高地。城高三丈六尺。巍壯甲於北京。扼京綏路線之樞。有俯瞰京津指揮綏察之勢。不愧爲晉北鎖鑰。

(丙)第一鹽池之城 運城 我國鹽池雖多。唯在晉南者。歷史最古。出產最豐。故商業繁榮。成爲晉南政治中心地。

〔附錄〕運城。在安邑縣西十五里。本係安邑縣所屬之潞村。因南臨鹽池。市況發達。故其鹽稱潞鹽。河東道尹。及河東鹽運使。俱駐此。民國四年縣公署。亦自安邑移於運城。安邑縣城。却甚蕭條。據前述概論鹹淡湖界線觀之。西北國境。皆鹽池地。然唯山西鹽池。自堯舜以前。卽以產鹽著譽。舜

撫五絃之琴而歌曰。南風之薰兮。可以解吾民之愠兮。南風之時兮。可以撫吾民之財兮。係指此也。今設鹽運使於此。銷路達晉秦豫鄂之境。在我國鹽池之中。資格產量。俱居第一。池上猶有歌薰樓在焉。按運城屬安邑縣係一市鎮。

(丁)太行東南兩門戶 平定 據太行高頂。扼正太路線。東距娘子關不遠。爲晉東之門戶。晉城 據太行之首部。跨煤鑛之中樞。南距清化鎮不遠。爲晉南之門戶。

『附錄』平定。夏季猶涼。最高峻處。酷暑若深秋。其爲太行高頂可知。正太車站。在城北十五里陽泉驛。東距娘子關九十五里。娘子關。爲燕晉分界處。即古井陘道。娘子關。即北天門。關西四十五里。栢井驛。即西天門。平定城西五里黑沙嶺。即南天門。娘子關東三十五里。在直隸井陘境內之白石嶺。即東天門。所謂四大天門之險也。正太路通而險失。晉城故澤州府。踞太行首頂溢地之中。南距河南清化鎮一百二十里。爲山西煤鐵鑛一大中心。惜道澤鐵路。僅築至清化而止。煤不能輸出。

D 綏遠特別區域 甲塞北第一埠 歸綏 爲綏區都會所在。位於歸化平原之北端。扼京綏綏包兩路中樞。實爲全蒙第一商業繁榮之地。人口十萬。

乙西盟之巨鎮 包頭 瀕黃河套北。扼綏包路線之西端。爲山陝甘新蒙綏貨物交換之中樞。

〔附錄〕係薩拉齊縣境極西之一鎮。東距歸綏三百四十里。商務繁盛。行將改爲縣治。按綏遠地屬內蒙之西二盟。

### E 總括

(甲) 潼關與嘉峪 潼關爲陝西東戶。關城挾於巖壁與黃河間。東俯函谷。西開渭原。實爲中原第一咽喉要隘。嘉峪關 當甘肅通新疆之外戶。踞長城與祁連山間。爲西北第一雄關。以上兩關。爲黃域交通之關鍵。

五淮水流域「行政區劃上述河南省」

### 1 範圍

A 北嶺 在豫西分兩歧。東北走。爲嵩山脈。東南走。爲伏牛山與大別山脈。入皖。蔽巢湖而東。盡於蘇省之邊界。

B 泰山脈 東南走。爲瑯琊山脈。兩脈遙抱之間。卽淮河水系之全域。

寫真中國地理教本 天然流域與社會狀況  
 『附註』伏牛大別山脈皆屬荆楚邱陵地。瑯琊山脈屬山東邱陵地。



2 水系 淮水自河南桐柏山發源。東流入皖。攔數多支流。匯為洪澤湖。湖東淮槽。為黃河淤塞。僅有泗沂合流而南。為裏運河。淮水由之。假江路以入海。

『附錄』淮北與黃河間無阻。此黃河之所以從古奪淮。淮南與大江間無阻。此淮水之所以從古注江。運河。自駱馬湖。至淮陰之間。為中運河。自淮陰至鎮江之間。為裏運河。即古邗溝。

3 地貌 A 淮域西南緣邊。屬荆楚邱陵地。東北緣邊。屬山東邱陵地。中合豫東。魯西。蘇皖之北境。展為廣大平原。淮水幹支各流。傾瀉

於其上。B 荆楚邱陵之北。有嶺坂。太行等脈。分佈於黃河南北。

4 氣候 由北而南。漸入江域氣候。溫度雨量。皆稱適宜。

5 物產及實業 淮域上流。多麥、豆、芝麻、金針菜。下流多稻。北接黃域一帶。多綿。鑛產。北多煤鐵。沿海多鹽。東北及西南兩邱陵地帶。特產柞蠶。而西南邱陵。尤爲絲綢玉器產地。沿京漢線。產綿紗。

『附錄』河南西南境。產玉器絲綢。以南陽爲中心。安陽、汲縣、武陟、鄆縣。皆有大紡紗廠。其紗廠之名。在安陽者名廣益。在汲縣者名華新。在武陟者名盛大。在鄆縣者名豫豐。

6 民生狀況 淮原東抵海。西帶漢、黃、漳、衛之域。天暖雨豐。地沃人稠。然淮流不導。水患頻仍。民生殊困。若嵩嶽以西。河洛一帶。山多路險。民生尤艱。其俗在蘇皖之北。以剽悍著聞。在河南省。則平庸守舊。少活潑進取之氣。

7 交通之大勢 A 水運 淮水。自正陽關以下。可駛輪船。白、洛、黃、衛。並通民船。

B 鐵路 (甲)京漢路。起北京。縱貫河南全省。與道清隴海兩路相交。南抵漢口。(乙)隴海路。東起江蘇東海。至徐州。與津浦線。交成十字。西歷汴洛而達陝縣。

關隴之部。尙未興築。

8 政治區劃 淮水。灌豫魯皖蘇四省。要以河南所佔面積爲最大。蓋蘇皖本屬江



域。魯以運河爲主流。河南境上。合黃漢衛三域計之。仍不敵淮域之大。故淮域誌河南一省。

9 省界 東界直、魯、蘇、皖。南界鄂。西界秦、晉。10 名城與特色

A 黃河水面下之都會 開封 爲河南省會所在。北距黃河二十里。黃河水面。比城頭高出十丈。其不浸者。賴有隄耳。據淮水平原

之背。規模宏壯。商況繁榮。人口十八萬。

B 河南第一歷史名都 洛陽 背邙山。面洛水。據隴海路。爲豫西形勝之地。

『附註』自周平王遷都洛陽以後。歷東漢、曹魏、西晉、拓拔魏、隋、唐、武則天、唐昭宗、後唐。凡九代都此。

C 全國兩幹路之交點 鄭縣 全國幹路。京漢縱長。隴海橫廣。交於鄭縣。是為最有希望之商埠。

〔附註〕鄭縣係於清光緒二十一年。自開商埠。地點在縣西門外三里。車站附近。

D 潁水上游航運之樞 周家口 扼潁沙。賈魯。三水之彙。溯沙河達郟城。接京漢路。浮潁水。出長淮。達鎮江。交通便利。故商況繁榮。

〔附錄〕周家口一鎮。屬淮陽。西華。商水。三縣。為豫東一帶貨物集散之區。以有水運之便故也。然自京漢隴海兩路通行。舟航之貨。多改乘鐵路。市況漸衰。

E 豫西實業之城 南陽 瀕白河之上游。南下江漢。北走豫晉。為綉綢玉器之大產地。

〔附錄〕城北十八里。玉山。出碧玉。又城北四十里。蒲山。出大理石。土名新山玉。故城內多琢玉之工。又為柞蚕絲家蚕絲之大紡織地。故汴縐湖縐。紡綢曲綢。年產達四萬五千疋。

F 豫南之門戶 信陽 據本省京漢路之南端。控武漢之上游。為兵事形要之地。

『附錄』信陽南距武漢約四百里。憑大別之脈。有義陽三關。由西向東計之。曰平靖。曰武勝。曰九里。即古冥阨之塞。

### 六運河流域『行政區域述山東省』

『附註』運河雖係人工所掘。然近絡五汶衛泗之流。遠貫江淮河沿之域。有三千里之長。二千年之史。



足爲中國有名水道之一。安可因係人工所掘而略之。

1 範圍 A 京北燕山之脈。迤邐於長城之南。 B 浙西天目山之尾。迴繞於西湖之畔。 C 北嶺之脈。盡於皖東。不入江蘇。遂以開並海三千里之平原。此卽運河水脈之所由通流。

2 水系 A 運河 泰山之南。汶水注南旺湖。分流南北。

(甲) 北流者。至臨清。會衛水。下天津。溯白河。至通縣。

(乙) 南流者。至濟寧。會泗水。通淮。下邗溝。逾江。歷蘇抵杭。

B 山東諸水 分爲四域

(甲) 黃河。斜亘全境。曰黃域。

(乙) 南境。泗、沂、沭、流入江蘇。曰淮域。

(丙) 衛河。經臨清、德縣。北入直隸。曰沽域。

(丁) 半島之部。小清、淄、瀰、濰、膠、等十餘水。曰海岸水域。四域之中。縱絡汶衛

泗沂爲運河。是卽淮沽兩域。化爲運河流域。

『附註』引汶水。入南旺湖中分水脊。係明永樂時。汶上老人白英獻策。工部尙書宋禮。採而行之。東平臨清間之運河。係蒙元至正二十六年。所開之會通河。今已淤塞。邳溝。在江淮間。係春秋哀公九年。吳王夫差所掘。隋煬帝。更濬深之。即今之裏運河。



- 3 地貌 全域平原。略述如前。茲就山東觀察之。
  - A 陰山尾部。自遼東半島渡海而來。東抵於成山岬。南臨青島之東。爲勞山。西鬱聳爲泰山。遂以構成邱陵性之半島。
  - B 魯省西境。展爲平原。
  - C 海岸 北臨渤海。屬沙岸。由登州岬而東。全半島臨黃海。屬巖岸。如芝罘。威海衛。膠州灣等。佳港林立。
- 4 氣候 除半島沿岸爲海洋氣候外。餘盡大陸

氣候。

5 物產實業 落花生、柞蠶絲、草帽、繭、爲山東三大產。其產額俱居全國第一。此外麥、棉、果實、魚鹽、煤、鐵、繭、綢、俱著名。

6 人種及民生狀況 省境物產豐而人烟密。雖民俗勤苦。盡力農商。而每歲勞工之走滿洲者。常數十萬人。則本省物力不足可知也。民族壯健勇敢。質實而粗獷。篤於守舊。然學風尙盛。濟南青島。多日本僑民。

### 7 交通之大勢

A 水路 (甲) 運河 除由黃河至臨清間一部淤塞外。北航衛水。達天津。南航泗水。達鎮江。走蘇杭。通帆船。且有數部通輪。黃河帆船甚盛。小清河。並沿海一帶。輪帆如織。

B 鐵路 津浦路線。斜亘全省。青濟路線。橫亘膠灣與省垣之間。

8 政治區劃 運河貫沿海四省。要以山東爲主。何則。直、蘇、浙。既各有其主流。魯省面積。黃域所佔。不過什二。海岸水多。而不得主名。唯運河納汶水。絡衛泗諸水。實



佔省境之半。且爲全河要部。故政治區劃上。特誌山東。

9 省界 西界直豫。南界江蘇。北東瀕海。

10 名城與特色 A 海岱間之名都 歷城卽濟南 爲山東省會所在。南擁岱。『即泰山』北控海。『卽渤海』西瀕黃河。據水陸交通之中樞。而爲津滬三千里間新起之名埠。人口三十萬。

『附錄』光緒三十年。自開濟南濰縣。周村。爲商埠。濟南開埠之地。在城西大槐樹村。本爲墳墓叢葬之所。今則馬路縱橫。樓閣連。臺城內北部。大明湖中。畫舫如梭。遊人如織。城外西南隅。趵突泉上。爲品茗之所。附近爲舊式商場所在。甚形熱鬧。

### B 濟南外之五埠

(甲)青島與烟台 烟台亦稱芝罘。在半島北岸。『依威豐十年。天津條約。開放商埠』在光緒三十年前。實佔北洋貿易之中心。青島。在半島南岸。光緒二十四年。德人於租借膠州灣後。經營不遺餘力。至光緒三十年以還。商況驟盛。烟台貿易。遽爲所奪。民國三年。世界戰起。青島及青濟鐵路。曾爲日本人所佔領。至民國十一年冬。始將主權。逐漸收回。

『附註一』日人於民國三年秋。向德人奪取青島時。曾有交還中國之宣言。迨既奪取。又不甘爲無條件之交還。乃於四年一月。提出五項要求。『廿一條』爲交還青島之代價。是年五月七日。致哀的美頌書於中國。九日。中國卒屈服之。其實僅欲交還空名耳。於是全國青年。風起雲湧。拒絕日本直接向中國交還青島。民國八年。巴黎會議。處分大戰後列國應得之利益。青島實利。屬於日本。中國出席代表陸徵祥。拒絕簽字。十年冬。開華盛頓會議。竟於會外。與日本直接解決青島問題。至十一年冬。交還青島。十二年一月。交還青濟鐵路。

『附註二』青濟鐵路。係德人所築。日本奪而據之。凡八載。『三年冬至十一年冬』。依華盛頓會議。於十二年一月一日。由中國政府。交付日本四千萬元之國庫券。『日金』而收還焉。此路將來由

民款贖回。贖回期限。自十二年一月起。以十五年爲限。但至五年後。隨時可以取贖。

(乙) 濰縣 夙爲魯東鉅縣。扼青濟烟濰兩路交通之樞。故商況甚盛。

〔附錄〕烟濰路。基於民國十一年築成。但尙未敷鐵軌。按濰縣。在前清一代。科第最爲發達。故爲鉅縣。今其交通。爲青島、烟台、濟南、龍口、周村、五埠之樞。實爲半島上唯一商業繁盛之地。

(丙) 龍口與周村 龍口 位於姆磯半島之南。爲山東人赴滿洲渡海要地。

周村 位省垣之東。跨青濟鐵路。爲山東省絹綢第一產地。

〔附註〕龍口一名蘭口澳。係於民國三年。自行開放。周村屬長山縣。在縣城南十八里。卽省垣東百七十里。清光三十年開埠。商務曾爲全省之冠。今漸爲濟南所奪。

C 魯南水陸交通之樞 濟寧 從古爲運河水彙之地。並據曹濟汽車。西通荷澤。扼濟兗鐵路。以東接津浦。遂爲魯南交通中心。故商況繁盛。

〔附錄〕濟寧踞魯南平野最低之部。交通上。西荷澤。東滋陽。南鎮江。北津沽。遂爲魯南貨物總集散地。

D 曲阜與鄒縣 曲阜 係孔子故里。「係名關里」今孔廟佔城內西半。規模

宏壯。城北二里。有孔林。老樹娑婆。孔廟在焉。外國人士過此。莫不瞻仰起敬。其南五十里許。爲鄒縣。係孟子故里。孟母斷機處。在南門外。



且逾期未還之租借地。威海衛。劉公島。並海灣全部。爲我國海軍佳港之一。英人租借。應於民國十二年歸還。乃交涉無果。逾數載。佔據仍舊。

『附錄』光緒二十四年。俄租旅大。同時英租威海衛全灣。以二十五年爲期。應於民國十二年五月十三日返還。迨華盛頓會議。英代表貝爾福氏。聲明將繼續用爲軍艦休養處。及避暑地。但將主權。歸還中國。乃中國代表。避表示謝意。故政府於十一年五月。派

梁如浩接收。交涉經年。迄無結果而罷。  
第二編 分論 山東省 大江流域


七大江流域『行政區劃上述川、黔、鄂、湘、贛、皖、蘇、七省』

1 範圍



A 北嶺 自青海巴顏喀喇山東走。為岷山。橫巨陝甘。為秦嶺。走豫南。為伏牛山脈。入皖。為潛山。而止於蘇皖之界。  
 B 南嶺 自青海唐古刺山東南走。為雲嶺。入滇省。包滇池之南。而東北走。黔南粵北。為苗嶺。為五嶺。出贛閩間。為武

夷山脈。復走浙省西界。爲仙霞與天目山脈  
兩嶺對抱之間。卽大江水系之全域。



洞 庭 湖 圖

2 水系


A 大江。源出青海區域南界。巴薩通拉木山。東南流。入滇省。循川滇界。而逕川南。下三峽。入湖北。經湖南岳陽城北。攬洞庭湖水。出武漢。東南入江西。攬鄱陽湖水。而北折。斜貫皖南。瀉入江蘇省。至吳淞口。納吳淞、黃浦兩江合流之水。出崇明島。注東海。全長九千六百里。合支流所灌計之。佔域凡十五省區。爲中國第一大水。

B 湖泊 本域湖泊以洞庭、鄱陽、巢湖、洪澤、太湖爲大。至武漢一帶及安徽、洪澤、湖南皆爲湖泊星羅之地。

大江十一支流源委長度表

江名	源	經	過	注大江處	長	度
鴉蕩江	青海拉麻托羅海山	青海川邊	四川會理	四川會理	二千三百里	
岷江	四川岷山	四川	四川宜賓	四川宜賓	一千三百里	
沱江	四川灌口山	四川	四川瀘縣	四川瀘縣	八百里	
嘉陵江	陝西寶鷄縣嘉陵谷	陝西甘肅四川	四川巴縣	四川巴縣	一千二百里	
烏江	貴州草海	貴州四川	四川涪陵	四川涪陵	一千六百里	
澧江	湖南歷山	湖南	湖南洞庭湖	湖南洞庭湖	七百五十里	
沅江	貴州雲霧山	貴州湖南	湖南洞庭湖	湖南洞庭湖	一千五百里	
資江	湖南唐綉山	廣西湖南	湖南洞庭湖	湖南洞庭湖	一千三百里	
湘江	廣西海陽山	廣西湖南	湖南洞庭湖	湖南洞庭湖	二千里	
漢江	陝西嶓冢山	陝西湖北	湖北漢口	湖北漢口	三千六百里	

嶺江一東源江西新樂嶺  
 西源江西新樂嶺  
 江西  
 江西鄱陽湖  
 二千三百里



第二編 分論 大江流域

3 地貌

A 面積 大江流於十五省區間。佔本部面積之大半。約居全國五分之一

「附註」大江流於青海、川、滇、黔、鄂、湘、贛、皖、蘇、浙、粵、甘、陝、十五省區之間。其面積為六百五十九萬方里有奇。實諸本部十八省面積千一百十萬五千方里為佔大半。實諸全國面積三千五百萬方里。約居五分之一而弱。

B 地勢 由西而東。若階級之遞降。

- (甲) 在青海川邊一帶。高達萬尺以上。
- (乙) 至雲南。降至五六千尺。
- (丙) 至四川。降至一二千尺。
- (丁) 下三峽。歷武漢。至上

海。漸由數百尺。降至百尺下。

### C 山脈

(甲) 上源青海川邊。為岷崙橫斷等脈之山嶽地。

(乙) 南北緣邊。為南北嶺部之邱陵地。

(丙) 川邊以東。為四川邱陵性溢地。

(丁) 陝南川北鄂西。為巴山、荆山、千里邱陵。

(戊) 南嶺向北分出支脈。為武陵、雪峰、衡山、羅霄、四脈。以武陵山脈為最大。

以上山嶽邱陵地帶。約佔大江全域面積什九。

### D 平原

甲 西部 成都平原

乙 中部 由洞庭鄱陽兩溢地。延展而西北。為鄂湘贛皖間之大平原。數多湖

泊。散佈其間。

丙 東部 有蕪湖巢湖平原。迤邐而東。以接於江蘇平原。

以上平原約佔大江全域面積什。

④ 海岸 東端江淮尾閭。瀕黃海。皆屬沙岸。以大江口。臨洪口。爲最著名。

④ 氣候 全域在北緯二十五度至三十二度之間。爲全國氣候最良之部。其要點。

A 黃域沙風。至此絕迹。氣候靜穩。

B 溫暖適宜。冬雖見雪。而寒不甚烈。夏感潮溼。尙非過度。

C 春夏秋間。雨澤連綿。萬彙怒發。

#### 5 物產實業

A 農業 全部宜稻。鄂蘇宜綿。湘鄂贛。皖浙宜茶。蘇蜀宜絲。贛蜀宜蔗糖。秦嶺巴山。南嶺宜森林。隨地皆竹。湘鄂贛宜麻。黔宜柞蠶。

B 鑛業 湘錫鉛。南嶺錫。鄂銅鐵。黔汞。川邊金。隨在皆煤。要以湘贛爲最盛。蜀以井鹽聞。蘇以海鹽著。

C 實業 江浙間及蜀。盛產絲織品。江西及湖南醴陵。產夏布及磁。而景德鎮磁器。名著於世。蜀黔湘多桐油。江西多紙。上海無錫南通。爲綿紗之淵藪。



活於山中。貧苦。汚陋。亦殊可憫。

B 漢族 繁衍於全域。人口達二萬萬以上。大部皆經營農商實業。而學風之盛。超絕各域。蓋因天暖雨豐。地味沃而交通便。謀生之道。較之西北各地爲易。故民性特活潑。進取。而或失之浮動。要亦有別。大抵山間及村野之民。多骨鯁質實。沃野及都會之民。多輕薄狡猾。

『附註』1 氏羌之族。居於青海甘肅之地。在殷商時。卽云「自彼氏羌。莫敢不來享。莫敢不來王。」至東漢之世。氏羌極爲活躍。極至東晉。五胡雲擾。氏種英雄。有前秦苻健。稱王於長安。成漢李特。李雄。李壽。立國於西蜀。後涼呂光。稱王於涼州。羌種有後秦姚萇。稱制於長安。此氏羌人種活躍於歷史上之事迹也。2 苗族。爲漢民未來時之中國故主人。自黃帝戰勝蚩尤。堯戰於丹水之浦。「在鄂陝兩境之交」。舜置三苗於三危。至戰國之時。猶盤踞洞庭彭蠡之間。迨漢以後。乃逐漸逃居西南山間。涼山夷亦名羅羅。蕃殖於四川西南。亦苗之一種也。3 獠亦蠻種。古嘗因功。免其獠役。曰莫獠。後訛爲獠。

## 7 交通之大勢

A 水運 大江幹支各流。帆船之利。超冠全國。

B 鐵路 (甲) 幹路一 京漢粵漢。已銜接而至滌口。(乙) 幹路二 津浦一線。貫串江淮。(丙) 東南諸線 滬甯鐵路。西接江寧。東接淞滬。南接滬杭。本域鐵路之密。蘇省居最。

8 政治區劃 大江灌十五省區。然羌、隴、陝、豫。別屬黃淮。康、「川邊」甞、「廣西」滇、浙。各有主流。政治區劃。佔本域要位者。唯川、黔、鄂、湘、贛、皖、蘇、七省。

### 9 省界及地勢

A 江蘇 四界。北魯、西豫、皖、南浙。東瀕海。地勢 據采石東。太湖北。長江尾閭。之部。若洪澤湖東。淮運紛流。全省皆平原。

B 安徽 四界。西豫、鄂、南贛。北東蘇、浙。地勢 西擁潛霍。東襟黃山。北跨淮水。要以長江爲主流。全境。北多平原。南多邱陵。

C 江西 四界。北皖、鄂、東浙、閩。南粵、西湘。地勢 據南嶺之北。羅霄山脈之東。武夷仙霞山脈之西。跨贛江彭蠡全域。而北擁廬山。除鄱陽平原外。餘盡邱陵。

D 湖北 四界。北陝、豫、東皖、贛、南湘、西蜀。地勢。據武陵山脈之東。荆山大別山脈之南。江漢交匯。湖泊駢羅。周邊爲邱陵地帶。中開盆狀平原。


E 湖南 四界。北鄂、東贛、南兩粵、西黔、蜀。地勢。據南嶺之北。武陵山脈之東。羅霄山脈之西。除洞庭盆谷平原外。餘盡邱陵。

F 四川 四界。北陝、甘、東鄂、湘、南滇、黔、西羌。「青海」康。「川邊」地勢。據大雪山脈之東。大巴山脈之南。武陵山脈之西。除成都平原外。全省皆邱陵。

G 貴州 四界。北蜀、東湘、南粵、西滇。地勢。中巨苗嶺。西北負烏蒙之脈。東擁武陵之脈。而開爲烏江流域。全省皆邱陵。

### 10 名城與特色

A 江蘇省 (甲) 全國第一埠 上海 據亞洲第一江流。與太平洋航運之樞。爲世界交通中心之一。係土貨洋貨出入之總口。近年貿易額。達五萬萬兩。輸出入約各居半。附近平原沃野。盛產絲綿。本埠工業。棉紗爲最。而書籍出版。尤居全國第一。人口百五十萬。



(乙)龍蟠虎踞之都 江寧卽南京 爲江蘇省會所在。北瀕江。東倚鍾山。形勝甲於東南。據津浦、滬寧、江寧三路之樞。水陸交通便利。城北下關。商業稱盛。

「附錄」上海。昔爲海濱荒地。鴉片戰後。五口通商。上海居五口之一。自開埠以來。不數十年。一躍爲世界名埠。固不僅爲中國第一埠也。世界河流之長。第一爲密失士必河。長四、二〇〇哩。第二爲亞馬孫河。長四、〇〇〇哩。第三爲尼羅河。長三、四〇〇哩。第四爲揚子江。長三、二〇〇哩。是中國大江。在世界居第四。然在亞洲居第一。合計全國各口。總輸出輸入額。約十萬萬兩。上海一口。居其半數。

隔岸與浦口相望。人口二十萬。

『附錄』石頭山。在南京城西二里。北瀕江。南扼秦淮口。按「鍾山龍蟠。石頭虎踞。」二語。是諸葛亮使建業時。對孫權所言。南京爲東晉、東吳、宋、齊、梁、陳、楊吳、南唐、明初、太平天國、十代所都。固長江上第一歷史名城也。城周七十六里。廣大過於北京。光緒二十三年。自行開放。浦口係

民國元年。自行開放。

〔丙〕東南美術之部

吳縣卽蘇州

城瀕運河。盛產綢緞、顧繡、箋扇、玉器。在



皖贛蘇三省畧圖

昔科舉時代。文詞書翰之妙。冠絕一世。人物明秀。景象繁華。全國縣城。斯爲第一。

『附錄』吳縣山水佳麗。故人物明秀。文詞書翰。種種

美術皆環境之所賜也。其繁盛市況。在閩門「西南門」內外。運河附近。若盤門「東南門」外膏腸地。雖於馬關條約。允許日本通商。實爲荒場。一無所有也。上海。昔有顧會海之妾。精於刺繡。又有顧氏蘭玉。善針黹。設帳授徒。故今刺繡。皆稱顧繡。

(丁)鎮江與江都 鎮江卽丹徒 鎮江。據運河入江之口。昔當南北唯一水路之衝途。故甚著名。今奪於津浦。滬寧鐵路之運輸。商業遽衰。江都卽揚州亦瀕運河之閭尾。南距鎮江。僅四十里。今爲淮鹽之總集地。

〔附錄〕鎮江商埠。西倚金山銀山。北拱象山。象山又北。與江心之焦山相對。爲軍事要地。風景亦佳。揚州。爲古名勝之地。如唐詩所云。烟花三月下揚州。又云。二分明月在揚州。隨園詩話。綠楊城郭是揚州。皆足見古人賞慕揚州之意。今江都城西。有瘦西湖。亭橋點綴。楊柳垂絲。北抵蜀山。二十四橋之遺迹尙存。〔杜牧詩。二十四橋明月夜。玉人何處教玉簫。〕淮鹽萃於江都。再由上江下江。運入各省。

(戊)無錫與南通 無錫。瀕運河。面太湖。扼滬甯路。爲全國工業最發達之縣。〔六十烟突。黑烟裊於碧空。〕教育尤盛。南通 擅模範縣之譽。其實業。

多紗廠。墾田達六百萬畝。其交通已成七百里之縣道。教育亦盛。辦學尤多。

〔附錄〕無錫城西。有錫山。後以錫竭。遂名無錫。又惠山。在城西五里。山下有天下第一泉。擅江南第一山之譽。縣境交通便利。工業發達。商賈雲萃。除米市外。繭市亦盛。爲全國實業最盛之縣。南通爲張季直兄弟所經營。全縣無一乞丐。先後開辦紗廠多處。沿海墾地至六百萬畝。又設鐵廠油廠等。教育有師範、農科、紡織、中學、學校。交通有汽船公司。往來於上海南通間。南通如皋揚州間。縣道已成七百里。可行長途摩托車。

(巳)徐州與東海 徐州即銅山 在淮水平原上。扼四省「蘇皖豫魯」之樞。而據隴海津浦二路之交點。爲兵事形勝之地。東海即海州。東瀕水量宏深之臨洪口。而據隴海鐵路之東端。預定導淮入海。尾閘於此。合之爲隴海東端兩要縣。

B 安徽省 (甲)潛皖第一都會 懷寧即安慶 爲省會所在。南瀕江。北依山。水流易涸。不適舟航。僅見江輪寄泊。商務奪於蕪湖。人口七萬。

〔附錄〕省西巨山。曰霍山。亦曰潛山。因山深而潛。藏故名。今其山下有霍山潛山二縣。又地屬春秋皖

伯之國。故又名皖山。六安之茶。由此出口。

(乙) 皖東水運中樞 蕪湖 踞大江與漕運、青弋、水陽等支流、交匯之平原。上。南北貨物並集。米市茶市尤盛。商業爲全省之冠。

〔附錄〕蕪湖。係光緒二年中英烟台條約開放五口之一。〔餘爲重慶、宜昌、溫州、北海。〕至光緒二十二年。始實行開放。

(丙) 鳳陽與合肥 鳳陽。在淮水之南。明太祖崛起於此。今城北皇覺寺。即太祖徵時爲僧處。蚌埠。在城西六十七里。扼津浦路與淮水交點。民國初。督署移此。遂爲軍事交通之要地。合肥 故廬州。踞巢湖平原北端。與蕪湖間通輪船。產米甚盛。

○ 江西省 (甲) 滕王閣畔之名都 南昌 爲江西省會所在。踞鄱湖平原之上。贛汝交匯。路扼南潯。農商並盛。人口三十三萬。

(乙) 九江與景德 九江 在廬山下。當江航之樞。爲全省水陸門戶。本省名產磁紙、夏布。俱由此出口。景德鎮 屬浮梁縣。踞昌江邱陵中。爲全世界第一

磁產名地。在本省中。商況僅次於九江。

『附錄』九江。係咸豐十年。天津條約所開長江三埠之一。『餘爲鎮江漢口』景德鎮。爲江西四大鎮之一。『餘爲樟樹、河口、』屬鉛山縣。吳城。『瀕贛江入鄱陽湖之口』三鎮。

(丙)贛縣與樟樹 贛縣 據贛水兩源『章貢』交會之點。而扼贛南與閩粵交通之樞。故商況甚盛。樟樹鎮 位於袁贛兩江會口之東。當溯袁江入湘。與贛江上下游交通之衝途。商業繁榮。在江西四鎮中。僅居景德之次。

『附錄』樟樹鎮屬清江縣。在縣城東北三十里。爲江南藥材一大薈萃地。此外如河口之紙。修水之茶。袁州麻布。萍鄉石炭。贛州杉材。景德磁器。鄱陽湖米。俱集於市。是爲樟樹鎮八大物產。

D 湖北省 (甲)長江中樞三名城 (壹)武昌 卽湖北省會所在。瀕江南岸。城跨蛇山。從古爲兵事所必爭。辛亥革命。起義於斯。遂爲民國開幕紀念地。人口十萬。是爲政治之會。(貳)夏口卽漢口 瀕江漢會口之北。爲全國內陸第一巨埠。繁盛亞於上海。當九省通衢。水陸輪軌萃焉。是爲商業之會。(參)漢陽 踞江漢會口之間。北倚龜山之麓。鐵工廠在焉。取大冶之鐵。萍鄉之煤。煉成鋼質。



名滿世界。故為軍事根據地。是為軍事之會。

『附註』蛇山橫亘武昌城內。其西端黃鶴樓在焉。隔江與漢陽龜山相望。九省者指雲、貴、川、甘、陝、豫、鄂、贛、湘而言。大冶縣在武昌東南。大江西岸。產鐵佳良。自鑛山至江岸黃石港。凡六十里。有輕便鐵道通焉。再由江輪。運至漢陽。萍鄉縣名。在江西西

界。涿水上游。產煤佳良。由株萍運鐵路至株洲。再由長武路。運至漢陽鍊鐵。故稱漢冶萍公司。創於張之洞。盛宣懷。漢口。係咸豐八年。天津條約所開長江三埠之一。出口以茶為第一。

(乙)湖北三市 (壹)沙市 在江陵東南十五里。瀕江。為川黔貿易地。係馬

關係約所開埠。(貳)樊城。南隔漢水。與襄陽相對。當豫鄂關隴出入之要道。故商務稱盛。(叁)老河口。在光化縣城西南。爲漢水帆輪換載之地。自通輪舶以來。商況驟盛。幾駕沙樊之上。

正 湖南省 (甲)三湘第一名城。長沙。爲湖南省會所在。瀕湘東岸。與岳麓山隔湘相望。扼粵漢路。商業繁榮。人口十八萬。

(乙)秋水長天之都。岳陽。面洞庭。帶長江。臨粵漢路。爲湘省之北門。城陵磯。在城北十五里。爲輪帆寄泊地。沿稱外港。

(丙)常德與湘潭。常德。當湘西水陸要衝。爲湘黔間輸出入貨物之集散地。湘潭。瀕湘水之曲。當兩廣贛黔貨物交換之衝途。

(丁)衡陽與零陵。衡陽。據湘水上游。當通兩粵之水陸交點。故爲湘南大商業地。零陵。瀕瀟湘會口之東。風光秀麗。爲省南之門戶。兵事之要地。

〔附錄〕三湘者。指湘潭、湘鄉、湘陰、三縣而言。一云指瀟湘、瀟湘、蒸湘而言。即湘瀟同源處曰瀟湘。湘會瀟處曰瀟湘。會蒸處曰蒸湘。岳陽城臨洞庭湖。有秋水長天一色之觀。岳陽於光緒三十二年。常



(乙)全蜀第一水運中心 巴縣及重慶 據大江與嘉陵江會口之西。全蜀

德湘潭。於光緒三十一年。均係奏開商埠。長沙於光緒二十八年。中英中日通商行船條約開埠。

『四川省 (甲)西南錦繡之城 成都

湧現成都平原。城踞平原北部。錦江之上。夙有錦城之名。農產豐富。商業繁榮。人口五十萬。

『附錄』古來成都錦工織錦。濯之江流。錦至鮮明。故曰錦江。亦稱錦里。而成都亦有錦官城之名。蓋古治錦之官。居於西城。簡稱曰錦城。杜甫詩云。『丞相祠堂何處尋。錦官城外柏森森。』又云。『錦城絲管日紛紛。半入江風半入雲。』

之水。畢會於此。商業甚盛。

『附錄』重慶爲光緒二年。芝罘條約。增開長江三口之一。至光緒十七年。始實行開埠。重慶城市。在兩江包繞之間。其陸地。作半島狀。唯由城西走十里。介兩江之間。其地頸曰鵝項頸。有佛圖關在焉。出關而西。即西赴成都之大道。又重慶城基。高出附近地面者二百尺。而城內南部。稱下城。北部稱上城。上城尤高。自遠望之。樓閣滿山。頗形壯麗。大江攜西川之水。嘉陵攜東川之水。交會於此。故爲全蜀水運中心。

(丙) 萬縣與樂山。萬縣。扼川東航路之咽喉。上通重慶。下出夔門。爲桐油總集散地。樂山。扼岷江與青衣江大渡河交匯之點。據長江航輪終點。爲絲、鹽、白蠟之大產地。合之爲川東川西二商埠。

『附錄』縣係光緒二十八年。中英修改商約。開爲商埠。夔門。即奉節縣。故夔州府治。因扼三峽之口。故稱夔門。樂山縣。故嘉定府治。西北倚山爲城。東南臨江。西望峨眉。三峰青翠欲滴。萬船雲集。商況繁榮。

(丁) 蜀棧與三峽。蜀棧。蜀棧以劍閣爲中樞。四望羣山入畫。由此北走陝

西。西走成都。凡七百六十里。皆用石礎築路。雲樹蒼翠。風景絕佳。三峽以巫峽爲最長。跨蜀鄂界上。西溯瞿塘峽。東下西陵峽。全長七百里。兩岸峯巒蔽日。水流迅急。謂之峽江。

〔附錄〕晉李白詠蜀道難曰。『噫吁嘻。危乎高哉。蜀道之難。難於上青天。蠶叢及魚鳧。開國何茫然。爾來四萬八千歲。乃與秦塞通人烟。』按蜀王本記。蜀王之先名蠶叢。柏灌。魚鳧。蒲澤。開明。從開明上至蠶叢。積三萬四千歲。李白所詠。蓋本乎此。其實今日蜀棧。概築石礎。山光樹色。如畫中遊。絕不似古代之險阻難行。三峽。一瞿塘峽。自奉節縣。卽夔州府。城東十里起。至鐵灘止。長十四里。西口江中。蠶灘堆。係一立石。高百餘丈。江水大時。堆僅露頂。如牛馬。故諺云。蠶灘大如牛。瞿塘不可留。灘大如馬。瞿塘不可下。二巫峽。自四川巫山縣城東。至湖北官渡口止。長約百六十里。古詩云。『巴東三峽巫峽長。猿啼三聲淚霑裳。』三西陵峽。自湖北宜昌縣西境之南沱。至三遊洞止。長四十餘里。西陵峽西口外。江南有黃牛山。高三千尺。溯航者遙見之。所謂朝辭黃牛。暮宿黃牛。三朝三暮。黃牛如故是也。

G 貴州省 (甲) 苗嶺上之名城 貴陽 爲貴州省會所在。據苗嶺中小平原上。瀕南明河之北岸。扼滇黔驛路之樞。商況不盛。人口四萬。

『附錄』貴陽縣城四面羣山環繞。附近屬邱陵性之平原。城西南十五里之中曹司平原。爲貴陽有名之產米地。出南門。渡南明河。爲赴滇大道。道上牌坊數十。圓雲閣在其中。按閣在城東南二里。

(乙)黔省之東戶 鎮遠 城踞撫水「一名鎮遠江」之北岸。當沅江湖航之終點。爲黔省赴常德漢口唯一之水路。故商況稱盛。

『附註』自鎮遠而西。撫水已不遑航行。故黔東航運之利。自鎮遠始。唯東行入湖南境。至黔陽。入沅江。下達常德。爲湘黔間貨物出人之通路。

(丙)畢節與思南 畢節 當川滇來往之咽喉。實省西之門戶。 思南 當烏江航路終點。川貨由此輸入。爲省北繁華之城。

『附錄』畢節。在省垣西北三百九十里。爲本省西部商工業及政治中心。城西七星山。七峰峭立。上有七星關。適當川黔滇三省驛路之衝。懸崖壁立。實爲重險。 思南因水運甚便。爲貨物集散之地。蜀鹽入黔。先集於此。

且總括 水利與民生 江域所以爲全國精華之地帶者。以其饒交通灌溉之功。而養其根源者。厥在洞庭鄱陽兩湖。及深廣之江槽。古昔兩湖。皆週七八

百里。深數十丈。浮乾坤。浴日月。所以能吐納江流。俾無溢涸。而江槽亦復幽深。故江域之民。不知旱潦。而社會日益繁榮。今則湖底暴露。湖面縮小。不及古時之半。而江槽亦日益淺狹。其結果。非涸則溢。民生日艱。長此以往。將不知胡底。今如欲復古之盛。捨疏濬外。別無良策。

八浙江流域「行政區劃述浙江省」

1 範圍



- A 浙水以南之山脉 仙霞嶺分兩歧。 (甲) 西岐。北走浙贛界。為仙霞山脉。 (乙) 東岐。斜亘浙省中部。為大盆山脉。
- B 浙水以北之山脉 (甲) 天目山脉。擁於浙西。 (乙) 黃山脈。盤紆皖南。數脈包繞間。即浙江水系之全域。

## 2 水系

A 浙江。出黃山之南。東流入浙境。會衢港、婺港。合流之水。而東北流。注杭州灣。然交絡者。仍有三水。

(甲)自杭縣北流者。爲大運河。凡天目山東北之水皆匯之。

(乙)自杭縣東北流者。爲黃浦江源。凡杭州灣北之水皆匯之。

(丙)自杭縣城南對岸。橫流而東者。爲紹興運河。東絡甬江注海。凡天台山北之水。皆匯之。

B 此外有大益山脉東南二水。北爲靈江。注台州灣。南爲甌江。注温州灣。

## 3 地貌

A 流域 浙西。及杭州灣南一帶爲平原。餘盡邱陵。

B 海岸 概瀕東海。象山港以北。多沙岸。如杭州灣。爲全國海岸第一大灣。作漏斗狀。象山港以南。皆巖岸。曲屈甚多。

〔附註〕杭州灣北。即太湖之南。是爲浙西。即昔杭州嘉興湖州三府地。餘皆稱浙東。

4 氣候 浙西和暖。浙東半熱帶性。

5 物產與實業 全省盛產茶。沿海產漁鹽。浙西多米綿。而絲綢之利。冠於全國。浙東。山多產薄。實業。紹興酒。吳興筆。「有湖筆之譽」。金華火腿。杭州雅扇。皆甚著名。

〔附註〕浙江茶產額。年四千萬斤。魚鹽年值千六百萬元。浙西產米。年二千六百萬石。綿值一百萬元。絲產值二千餘萬兩。

6 人種及民生狀況 南部有畚民。若漢民在浙西者。生計富裕。性質靈敏。在浙東者。山多地瘠。生計艱難。風俗强悍。沿海者多業操舟。寧波人。以耐勞善買著聞。

〔附註〕畚民一作余民。相傳爲繁瓠遺種。散居閩浙山中。在浙省者。居溫州處州各地。多業與抬。唯鍾靈雷三姓。山居務農。互爲婚媾。

7 交通之大勢 A 水運 北境各運河。及沿海浙甬。靈甌。四江尾部。有大小輪船。航行之利。其餘內地河流。多宜帆船。 B 鐵路 滬杭甬線。唯錢塘曹娥兩江間。未築。餘則杭甬。寧波。西。早已通車。 C 陸路 陸行大路。沿浙江衢港。水

畔而南行。可通福建。是爲幹路。又西通皖贛。有二支路。

〔附註〕由浙江建德縣。西赴皖南徽州。歙縣。可由新安江舟行。由衢縣西經常山縣。至江西省玉山縣。爲浙贛通道。

8 政治區劃 浙江流域誌浙江省。

9 省界 四界。北蘇南閩。西皖贛。東瀕海。

10 名城與特色

A 第一湖山之城 杭縣 爲浙江省會所在。南倚吳山。西擁西湖。西湖爲中國第一名勝。遊人鱗萃。兼據運河鐵路。故商業繁榮。人口二十萬。拱宸橋。在城北「武林門外」十二里。係中日馬關條約所開埠。商況遜於城內。

〔附錄〕杭縣沿湖。城壁已撤。而闢爲新商場。城東有沙河一道。南通浙江。北通城北上塘諸河。而上塘諸河。又與黃浦江。運河。西湖。並通。總之。杭縣城外。江湖河海。皆脈脈相通。

B 第一蠶絲之城 吳興即湖州 縣境湖桑之種。冠於全國。故爲蠶絲之第一產地。南潯鎮。在縣東七十二里。居民概業蠶絲。富豪甚多。

〔附錄〕湖州民俗勤儉。爲全省第一殷富之區。並產湖筆。湖縐。雅扇。菜油等。南潯鎮。因南有潯溪。故名。

鎮內市廛栉比。東西三里。湖桑高二三尺。葉大如繖。飼蠶最良。非北方桑樹所能比。


○第一釀酒之城 紹興 城跨運河。『俗名內河』南瀕鑑湖。地沃盛產稻米。居民以善釀酒聞於世。

『附錄』此運河西達錢塘江。東接甬江。可通行小輪。昔賀知章。向唐玄宗乞鑑湖。即此。紹興酒。係稻米所製。銷行全國。是縣名因酒而益彰。

D 浙東水陸中樞 寧波卽鄞縣 爲五口之一。商況遜於其他四口。而在浙江沿海。則居第一。扼航輪鐵路之交。明代葡人曾貿易於此。開埠最早。

『附註』唐時。日本使臣往來。皆於此登陸。明嘉靖元年。葡人來此貿易。曾闢爲租界。日漸驕橫。浙省官吏。乃焚殺而驅逐之。

卍舟山與象山 近海多島。以舟山爲大。全岸多灣。以象山爲良。舟山形如舟。有大小二百四十餘島環繞之。長七十餘里。廣三十餘里。定海縣署踞其上。縣南定海港。水深浪靜。適於避風。宜於水師練習。象山灣。長七十五里。闊十二里。水深達五六十英尺。可泊多數軍艦。兩岸多山。皆可避風。而大嵩所。上通甬江。尤屬



優點。總之。皆未來海軍之佳港。

『附註』舟山島。東南角外。爲普陀山。有僧寺八十餘所。檀林木之勝。爲中國佛教三大靈地之一。普陀之東南。又有落伽小島。落伽普陀二島間。爲深通之水道。普陀舟山間。名蓮花洋。係屬淺灘。

三門灣與溫州灣。在象山灣南。有南田縣治。扼於灣口。羣島掩護。形勢甚優。溫州灣。卽甌江口。小輪可溯航六十里。達溫州城下。『卽永嘉縣

城」故温州商埠。開於甌江口之上游。

『附錄』三門灣外。羣島羅列。如南田大島。三門列島。皆天然之屏蔽。唯港內深廣。遜於象山。昔曾爲意人所覬覦。民國九年。我國擬開爲農墾區域。以畀華僑經營。蓋附近土沃宜農。農林商品。已有六十餘種。

温州係於光緒二年。芝罘條約。開爲商埠。甌海關在焉。


G 西湖與浙潮 西湖。周三十餘里。圓瑩若鏡。中有孤山。山東南爲外湖。佔湖面大部。山西與蘇隄間。爲裏湖。山北與白隄間。爲後湖。湖面俱小。其風景幽麗。實賴三面山光掩映。繞湖南者。總曰南山。繞湖北者。總曰北山。其脉來自天目。浙江潮。在海寧爲勝。海寧瀕江海接觸點。至八月十八之夜。潮高二十五尺。以三十尺。如銀山白馬。排空而來。係因漏斗狀之杭州灣。外口寬二百里。內口鼈子門。僅寬數里。故潮勢愈束愈高。

『附註』西湖面積十六方里。外湖北擁孤山。西帶蘇隄。佔去十二方里。蘇隄者。宋元佑間。蘇東坡所浚。因以所積葑草。築爲長隄。遂稱蘇公隄。隄有橋六。自南而北。曰映波、鎖瀾、望山、壓隄、東浦、跨虹。其西卽爲裏湖。其東爲外湖。又白隄者。係白沙隄。非白居易所築之隄也。『白居易所築者。在武林門內。非此隄也。』

白沙隄。自斷橋起。經孤山。至西冷橋止。可三里餘。隄之西。爲裏湖。北爲後湖。南爲外湖。

九閩江流域「行政區劃上述福建省」

I 範圍 A 武夷山脉。縱蔽閩西。 B 仙霞嶺東南走。爲楓嶺之脉。橫阻閩北。 C



第二編 分論 閩江流域 福建省

戴雲山脉。橫互閩省東南之境。三脉包繞之間。即閩江水系之全域。

〔附註〕戴雲山。亦名大雲山。一名佛嶺。在德化縣西北五十里。高聳雲漢。嘗有雲覆氣之。故名。

I 水系 A 閩江三源。北源建溪。西源富屯溪。西南源沙溪。並會於南平縣城南。而東南流出五虎門。注東海。 B 此外有(甲)晉江。注泉州灣。(乙)九龍江。注廈門灣。(丙)汀江。南入廣。

東注南海。

3 地貌 A 本流域倚南嶺幹脉之東側。全屬山地。

B 海岸 廈門灣北爲東海。以南爲南海。皆巖岸。極曲屈。形如破紙。

1 氣候 沿海岸極暖。西北山地。夏酷熱。冬嚴寒。

5 物產 米穀不足供民食。而果實豐饒。全省產茶及筍。沿海產魚鹽。漳州「龍溪」

產蔗。尤特產水仙花。工藝產紙、糖、樟腦。

〔附註〕果實如柚、橘、龍眼、荔枝、香蕉等。爲出口大宗。漳州附近甘蔗如林。爲蔗糖大產地。水仙花。產於

漳州南門外十里圓山之麓。爲全國唯一之產地。年產四百萬枚。

6 人種及民生狀況 漢民寄生於山嶽間。農產瘠薄。交通艱阻。生計困窘。往往走

海外爲僑民。致富者。實繁有徒。故其民富冒險性。東南沿海。有械鬥之風。異族以


余民爲著。

〔附註〕閩省械鬥之俗。盛於東南海沿一帶。其俗沿自古代。或爲村落之鬥。或爲族姓之鬥。械鬥一起。雖

縣官不能制止。往往歷數年。以至十餘年不決。余民即畚。民多居北境山。中操勞働。業蓋卽古代七閩

之族。今漢族有與之通婚者。

7 交通之大勢



A 水路 閩江。自水口以下通輪。以上通帆。主要輪船交通。唯恃沿海。

B 鐵路 商辦漳廈一線。自龍溪東達嵩嶼。長五十六里。

C 陸路 杉關通贛。仙霞通浙。以外並無大路。

8 政治區劃 閩江流域。誌福建省。


9 省界 四界。北浙西贛。南粵東海。

10 名城與特色 A 閩中第一名城 閩侯即福州。爲福建省會所在。瀕閩江。一名馬江。之北岸。商業繁盛。由南門達江中南台島。長十里。商船如雲。行棧如林。人口三十萬。

『附錄』南台島。係閩江中一大洲。由島至閩江北岸間。有中洲。由北岸至中洲。通以萬壽橋。凡三十六孔。爲閩中第一長橋。由中洲至南台島。通以江南橋。江南橋。南至前倉山之間。有各國領事館。

B 古代通商海外之埠 晉江即泉州 踞泉州灣上。古昔灣內。水深適船。故自唐以來。即爲與海外通商之地。夙有八閩第一都會之稱。直至近代洪楊亂後。始漸衰落。

『附錄』唐代泉州名著於世。元明曾設市舶司於此。以理貨物之出入。其盛可知。自輪船通行。灣內水急灘多。商業遂衰。迨洪楊之役。大受蹂躪。遂不能復古代之盛。



廈門形勢圖

第二編 分論 福建省

○水仙花之唯一產地  
 龍溪即漳州閩省皆山。獨縣居廈門灣上。擁漳州平野。盛產甘蔗。民物殷富。又為水仙花之唯一產地。

『附錄』水仙花。初產於南門外十里圓山之麓。現則栽植日廣。年產在四百萬枚以上。舊出價值年十萬元。



廈門灣  
與三都澳  
南部。海  
岸。有大灣。  
日廈門灣。  
口廣百里。  
內有二島。  
西日廈門。  
東日金門。  
商埠即在  
廈門島上。  
商况稱盛。

廈門島西南對岸。有島曰鼓浪嶼。巍樓碧樹。遙望如畫。僑民富商住宅。在其上。北部有大海灣。曰三都澳。灣大而口仄。浪靜而水深。倘闢爲海軍根據地。其價值不在膠州灣之下。灣內三都島。商況甚盛。

〔附註〕廈門與福州。均爲五口通商之一。廈門島上有思明縣。金門島上有金門縣。灣內風平浪靜。適於航行。爲七省海灣之冠。三都島。係光緒二十四年。自開商埠。島東西長十餘里。闊五六里。

五虎門與馬尾 閩江口有大島曰黃岐山。山北岸金牌嘴。對陸岸長門嘴間。爲金牌水道。山東北。又有二島。南曰尖峯。即川石山。北曰慰斗。二島之間。有五虎山。五峰並峙。故名五虎門。爲輪船出入要道。由五虎門金牌水道而西。逾閩安峽。江心有一小島。曰羅星塔。爲航海者之標的。其北岸地嘴上。馬尾船政局在焉。

〔附錄〕馬尾閩江。一名馬江。故馬尾。即馬江尾閩之意。船政局。係同治五年。左宗棠所創設。嗣由沈寶楨經理之。光緒甲申中法之役。爲法人所毀。然迄於光緒三十三年。凡歷四十年間。曾造輪船五十餘艘。共二千噸。倘再積極整頓之。其實業上之價值。恐不亞於漢陽鐵廠。

D 台灣及澎湖三十六島之割棄。由廈門灣而東南。爲澎湖三十六島。又東有南北縱長之大島。曰台灣。此卽距今三十餘年前。我國之台灣一省也。天暖地沃。物產豐饒。而蔗糖樟腦。尤佔巨額。竟因甲午戰敗。於光緒二十一年五月九日。割讓於日本。

(十) 珠江流域 『行政區劃上。述廣東廣西兩省』

### 1 範圍


A 南嶺。在貴州。爲苗嶺。橫兩粵北。爲五嶺。至粵贛閩之交點。向西南折入粵省。爲大望山脈。〔脈在粵省東端。爲東江與韓江之分水脊。〕

B 勾漏山脈。走滇省東南。曲抱於兩粵西南。

兩脈對抱之間。卽珠江水系之全域。

### 2 水系

A 珠江。係合西北東三江而成。(甲) 西江。出滇東之花山。曰南盤江。北盤江。匯爲黔江。橫流廣西全境。南攔鬱江。北攔桂江。而流入廣東。(乙) 北江。出大庾



圖略域流江珠  
省二西廣東廣

嶺南。縱貫廣東中部。(丙)東江。出江西鄱縣南。斜貫廣東東部。至番禺三

水間。次第相會爲珠江。南注南海。

B 此外尚有 (甲) 韓江。即汀江。自福建。流入廣東省之東端。至汕頭。注南海。

(乙) 廉江。出廣西勾漏山。流入廣東省之西端。至北海。注東京灣。

### 3 地貌

A 西部 屬滇東黔南。及廣西全境。包以苗嶺勾漏之脈。而嵯嶺黎峒。充塞其間。峻嶒峭拔。谿洞深遠。

B 東部 屬廣東全境。北擁嶺。南瀕海。中多邱陵。墾植殆徧。然自珠江口北。則開爲廣大肥腴之粵東平野。而接乎其北者。有羅浮之勝境。

〔附錄〕惠州博羅〔廣州番禺〕之間。曰羅浮山脈。東西五百里。山容水韻。與竹樹村田相掩映。鮮麗明媚。足稱全國第一山水勝地。杭州西湖雖佳。不過在數十里之間。羅浮則周數百里。勝景層出。變化無窮。

C 海岸 東南臨南海。屬巖岸。有雷州半島。半島西曰東京灣。半島東。以珠江口。九龍。澳門。兩半島。廣州汕頭等灣。香港海南二島。爲最著名。

〔附注〕東京灣。與越南海岸相銜接。海南島。即瓊州島。爲全國第一大島。廣州灣。在雷州半島東。

4 氣候 本域已侵入熱帶。故全境炎熱潮溼。

5 物產實業 廣東農產。米、茶、菸、糖、魚、鹽。果實尤饒。「如柑、橙、荔枝、菠羅蜜等。」鑛產煤鐵。工藝品。草蓆、葵扇、竹木漆器。廣西地瘠。然溫暖多雨。故農產尙盛。

6 人種及民生狀況 A 廣東民性勤勉敏捷。有進步思想。大半務農。然經商於外洋者。甚夥。故多富戶。 B 廣西獠種苗族。佔去人口大半。分生熟。熟者。漸與漢人同化。生者居山中。程度元低。故廣西漢民。多避居都會。營農商業。

7 交通之大勢

A 水路 沿海暢駛輪船。溯珠江。至桂平。溯鬱江。至百色。北江。則三水曲江間。韓江。則汕頭潮州間。俱通行小輪。餘通民船。

B 鐵路 粵漢線。通曲江番禺間。而接廣三廣九兩線。此外東有潮汕線。西有新寧線。而滇越支線。走入廣西鎮南關。達龍州。

8 政治區劃 珠江流行於滇、黔、粵、四省之境。然滇黔自有主流。述廣東廣西。

## 9 省界

A 廣東省 四界。東閩、北贛、湘、西、西、南、瀕海。〔附註〕廣西昔稱桂省，今稱粵省。

B 廣西省 四界。東粵、北湘、黔、西滇、南法領越南。

## 10 名城與特色

A 廣東省 (甲) 南疆第一名都 番禺即廣州 爲廣東省會所在。據珠江與南洋之交點。位粵、漢、廣、三、廣、九、三路之中樞。地形扼要。商況殷繁。爲全國四大商埠之一。人口百萬。

(乙) 香港與澳門 香港島 踞珠江口外之東側。鴉片之戰。割讓於英。其位置。臨中國鐵路脊脈。「京漢粵漢廣九」之南端。而扼新加坡與上海航運之中樞。爲英人在中國方面政治軍事商業之根據地。又於光緒二十四年。租借我九龍半島。澳門 位於珠江口外之西側。氣候地味。均稱佳勝。係於明嘉靖間。租與葡人。至光緒十三年。免其租金。遂同割讓。

〔附註〕香港島長十一英里。寬自二英里至五英里不等。於道光二十二年。割讓於英。至咸豐十年。始

租借九龍半島尖端。僅四方英里耳。至光緒二十四年。再推廣其租借。竟擴至三百七十五方英里。葡人於十五世紀之末。首闢東洋航路。遂於清世宗嘉靖二年。租借澳門。年納租銀萬兩。迨萬歷年間。減爲五百兩。至光緒十三年。因求其代防鴉片漏稅。遂免其租金。

(丙) 番禺外之六埠

(壹) 汕頭 在潮安「潮州」縣南九十里。澄海縣南三十里。瀕韓江之口。扼潮汕鐵路。爲粵省東端之名埠。

(貳) 三水 在省垣西八十八里。瀕西北兩江合流點之北。而扼廣三鐵路之端。商業稱盛。

(參) 海口即瓊州 據海南島之北岸。沿海水淺。時有颶風。爲不完之商港。

(肆) 北海 位於沿海極西。廉州灣南。上距合浦六十里。商況不繁。

(伍) 拱北 係一小島。在澳門半島之西。爲廉州與澳門貿易之門戶。

(陸) 江門 位新會縣北。爲珠江三角洲上商業之中心。

〔附註〕汕頭、瓊州。係咸豐八年。天津條約所開八口之一。其餘六口。爲「牛莊、烟台、台灣、鎮江、九江、

漢口。三水。係光緒三十三年。依英人之請。添開之梧州。三水。二埠。北海。係光緒二年。烟台條約。所開五埠之一。其餘四埠。爲『重慶。宜昌。蕪州。溫州。』拱北。係光緒十三年。自行開放。江門。

係光緒二十八年。中英條約。所開五口之一。其餘四口。爲『安慶。長沙。萬縣。惠州。』江門。之北。

又有甘竹。係江門一之分關。

B 廣西省 (甲) 廣西之新都 邕寧 爲廣西省會所在。據省南適中之地。扼

鬱江航運之樞。因舊都桂林。徧居東北。龍州門戶。遙寄西南。故於民國元年六月。遷省會於斯。人口四萬。

(乙) 第一山水之都 桂林 爲廣西第一名城。舊日省垣。從古在茲。瀕桂江西岸。山水入畫。文風亦盛。

『附註』諺云。桂林山水甲天下。韓昌黎詩之。水作青蘿帶。山如碧玉笙。

(丙) 西江中部之名埠 蒼梧卽梧州 瀕西江桂江會口之上。而扼航運交通之門戶。故商業稱盛。

(丁) 鎮南與龍州 鎮南關。爲省西南之門戶。扼法入越南之咽喉。有滇越支

路入關。北抵龍州。故龍州。爲軍事商業上之要地。

〔附註〕龍州。係清光緒十二年。中法追加條約所開之埠。今則鐵道通行。化險爲夷。

(十一) 瀾滄江流域『政治區劃上。述雲南、川邊二省區』

## 1 範圍

A 格爾吉山 自青海南界。走江源之南。入川邊。爲雲嶺。斜巨滇境。更進展爲勾漏山脉。走入越南。

B 他念他翁山脉 自川邊西北。唐古刺山脉分出。走入滇邊。爲怒山。南走入緬境。此兩山脉間。爲瀾滄江流域。其東南部。兼括元江流域。

〔附註〕格爾吉山。一名格爾吉匝葛那山。山北。即大江所經。山南。爲瀾滄江源所出。


## 2 水系

A 瀾滄江。源出青海南界格爾吉山東麓。流貫川邊雲南境。入越南。至西貢海口。注婆羅海。

B 此外 (甲) 流於勾漏山脉之西者。爲元江。(乙) 流於怒山之西者。爲怒江。

3 地貌

A 川邊區域 雲嶺。及他念他翁山脉東西。尚有橫斷數脈。故鬱成西康高原。拔



海在一萬尺以上。

B 雲南省境 雲嶺。

化分爲南嶺、勾漏兩

巨脈。復有怒山、高麗

貢山脈、屏列於西。鬱

成雲南高原。拔海在

七千尺上。

〔附錄〕滇北大江尾注

上海。滇西怒江尾注印

度洋。大江與怒江。上源

相距不過二三百里。尾閭相距。殆逾萬里。皆雲南螺旋式之山脈。使之然也。

4 氣候 雲南 屬半熱帶性。只有乾溼二季。低地多霧。川邊高峰。經年積雪。然低谷之地。溫度雨量。尙稱適宜。

5 物產 雲南。平原最少。農產不豐。森林極盛。特產白銅、井鹽、普洱茶。川邊。牧畜稱盛。農產以青稞麥爲主。饒野獸。多金鑛。

6 人種及民生狀況 A 川邊 北多氐羗。性獷悍。中多苗民。住碉房。重牧畜。餘盡藏族。女強男弱。萎靡不振。有一妻多夫之俗。而漢民之移住者尙寡。 B 雲南 苗民古稱百濮。名目繁多。殘忍好鬪。然其接近漢族者。類耕織。摹漢俗。餘多漢民。回民。以務農、製茶、開鑛、採鹽爲業。性直而烈。

### 7 交通之大勢

A 鐵路。滇越線。自越南縱貫滇中。出入須假道越南。

B 航路 除元江民船外。餘多急流。不適篙櫓。

C 陸路 (甲) 蜀藏大道。橫過川邊。 (乙) 川黔驛路。西通滇緬。

8 政治區劃 瀾滄江流域。係兼括橫斷山諸水域而言。就政治區劃上觀之。實跨川邊雲南之境。雖川邊雲南之境。皆有一部屬大江。要不如橫斷諸水。佔域爲大。故述雲南省。川邊特區。

9 省界

A 雲南省 四界。北康「卽川邊」川。東黔。南及西南。鄰越緬。  
B 川邊特區 四界。北青海。東四川。南及西南。滇緬印藏。

10 名城與特色

A 雲南省

(甲) 滇省第一名都 昆明 爲雲南省會所在。據滇池沖積平原。而扼滇越鐵路。天暖土豐。農商並盛。人口十萬。

(乙) 瀾滄江上之名城 大理 後負點蒼山。前面洱海。踞平原之上。而當滇緬之孔道。風光佳勝。故爲滇西之名城。

「附錄」洱海。朝東風。暮西風。四時不爽。故舟航來去。皆張帆而行。不假篙櫂。

(丙) 蒙自與河口 蒙自 踞小平原上。臨滇越鐵路。爲滇南重要商埠。河口。在元江與南河會口之北。與法嶺老開。僅隔一河。實爲滇越界上要隘。

〔附錄〕光緒十四年。中法條約。開昆明。蒙自。蠻耗。爲商埠。二十一年。又依法國之請。開放河口。以代蠻耗。蠻耗即在河口之北。元江北岸。

(丁) 思茅與騰衝 思茅。在滇南。位於瀾滄江東支流之上。爲與越南。緬甸。暹羅。通貿易之地。騰衝「即昔之騰越」 在滇西。位於伊拉瓦諦江支流大盈江之上。爲與緬甸通貿易之地。

〔附錄〕光緒二十一年。依法國之請。添開思茅爲商埠。又光緒二十三年。依英國之請。開放騰越爲商埠。

(戊) 保山境幻出英城 片馬 係我保山縣境。登梗土司之地。英人屢欲侵奪。竟於民國十一年。夷爲緬甸之一縣。

〔附錄〕片馬地點。在保山縣境之西北鄙。高麗貢山之西。屬小江流域。小江西流。注恩梅開江。恩梅開江。又即伊拉瓦諦江之東源。憶在光緒二十年。中英劃滇緬界線時。英人主持尖高山北。姑

置不割。即係作侵我片馬之預備。繼於光緒三十年。有英兵二千。直抵片馬。作久居之計。宣統三年。英人築礮台於高黎貢山之巔。民國十一年。夏。竟夷爲英領緬甸之一縣。我國朝野士下。噤無一言。噫。

## B 川邊特區

(甲)布壘楚畔之新都 巴安卽巴塘 係川邊省會所在。踞布壘楚「楚卽藏語河。按大江。在川邊。有布壘楚之名。」東岸小平原之上。土味肥腴。溫暖有雨。地旣佳勝。位復適中。

(乙)大雪山巔之番市 康定卽打箭爐 踞八七四零尺之高地。四面崇山。形同釜底。爲與西藏通商之地。而扼川藏大道。相傳昔諸葛武侯征孟獲時。曾造箭於此。故名。

〔附錄〕昔諸葛令塵下郭達。於此安爐造箭。今市中猶有郭將軍廟。形容古怪。夷人敬而畏之。


## 十二雅魯藏布江流域「政治區劃述西藏」

I 範圍 岡底斯山。南走接喜馬拉雅山。於是南爲喜馬拉雅山脉。北爲岡底斯山。

脉。兩脉平行東走。駢列藏南。流於其間者。即雅魯藏布江之灌域。

2 水系

A 雅魯藏布江。源出岡底斯山東之馬口山。橫流藏南。觸橫斷山脉。始南折。入印度。注孟加拉海灣。



B 此外有怒江。

繞岡底斯山東

北端。而南注印

度洋。印度河。

繞喜馬拉雅山

西北端。而南注

阿刺伯海。

3 地貌 北憑崑崙山脉。南擁喜馬拉雅山脉。擡爲世界第一高原。拔海在萬三千尺以上。

4 氣候 極寒無雨。

5 物產 農產稀薄。以青稞麥爲主。東南橫斷山谷。饒森林。鑛富金、鹽。

6 人種及民生狀況 人種爲藏族。卽圖伯特族。大部業游牧。篤信喇嘛。有一妻多夫之弊俗。

7 交通之大勢 入藏。有青海川邊二大路。並會於拉薩。南出亞東入印度。西行通後藏阿里。可北走入新疆。

〔附錄〕青海大路 係自甘肅西寧。入青海。經江河之源。臚拜都嶺。而入藏。川邊大路 係自成都。經雅安。打箭爐。巴安。而入藏。

8 政治區劃 雅魯藏布江。僅灌前後藏部。行政區劃。應誌西藏。

9 疆界 北界新疆、青海。東界川邊、南及西南、界印度。

10 名城與特色

A 喇嘛教國之都會一 拉薩 爲前藏都會。瀕拉薩河之北岸。據拔海萬二千尺之平原上。爲全藏殷富之地。人口四萬。

〔附錄〕拉薩。藏語聖地之義。在北京西南萬零百十里。位於廣闊之平野。四面環以戴雪之高峰。地味肥沃。物產豐富。

B 喇嘛教國之都會二 日喀則。爲後藏都會。瀕雅魯藏布江南岸。與年楚河會口之西。據拔海萬二千尺之平原上。其西南有札什倫布寺。繞以城壁。爲次於拉薩繁富之區。人口六千。

〔附錄〕日喀則附近。沃野相連。農產甚富。日喀則與札什倫布寺之中間。設廣大市場。商業頗盛。

C 印藏之門戶 亞東 出亞東關。西行七日。抵大吉嶺。可馳鐵路。以下印度平原。關北春碑地方。爲印藏間之互市場。

D 江孜與噶大克 江孜 瀕年楚河畔。位於前後兩藏。出亞東關大道之交點上。故商況甚盛。噶大克 一名噶爾渡。爲全藏極西阿里部一重鎮。瀕於象泉河上。

「附錄」江孜在西藏。爲次於拉薩日喀則之大城市街繁盛。大寺林立。與不丹交易甚盛。噶大克。西



塔里木河流域圖  
行政區域

通阿富汗、波斯。北踰崑崙、通新疆和闐。夏期商況稱盛。冬期寂寥。又亞東、江孜、噶大克。爲光緒三十年。英兵入藏。所開之三埠。  
十二塔里木河流域「政治區劃述新疆」

I 範圍

- A 由葱嶺。東南走。爲崑崙正幹。更東北折。爲阿斯騰塔格山脉。
- B 由葱嶺東北走。爲天山幹脈。復屏吐魯番之西南。爲那林喀喇山脈。二脈間之水。匯爲塔里木河流域。

## 2 水系

A 塔里木河 出帕米爾高原。東流。注入羅布淖爾。

B 此外有 (甲)伊犁河。出汗騰格里山北麓。(乙)額爾齊斯河。出阿爾泰山脈之南。並西流入俄領中亞。

3 地貌 南擁崑崙。北跨天山。東南多沙。爲寥闊之高原。

4 氣候 天山南路。入夏。溫暖有雨。北路多寒。五月飛雪。

5 物產 低地盛產米棉。山地多森林。天山南路多果實。「如林檎葡萄之類」鑛以產玉著稱。

6 人種及民生狀況 天山北路。多額魯特蒙古。逐水草游牧。餘多回民。業農商。分甘回。纏回。纏回。高鼻深目多鬚。以白布纏首。甘回。半染漢俗。漢族。多天津湖南人。民風怠惰守舊。

『附錄』額魯特。係西蒙古。爲蒙古別派。與內外蒙古。爲蒙古正派者。有別。

## 7 交通 有二道

A 出嘉峪關。經哈密。至土魯番。分走天山南北。

B 出陽關。循崑崙之北。至疏勒。與天山南道會。

〔附註〕嘉峪關。在甘肅酒泉縣西境。陽關。在甘肅最西境。燉煌之西南。

8 政治區劃 塔里木河。源委畢灌新疆南境。餘水多西注俄領。故行政區劃上。誌

新疆省。

9 省界 東外蒙、甘肅、青海、南西藏、西南印度、阿富汗、西北俄領中亞。

10 名城與特色

A 全國最西之都會 迪化即烏魯木齊 爲新疆省會。當全省中央偏北之部。

東瀕烏魯木齊河。南面天山。人口六萬。

B 新疆最低之城市 吐魯番 位天山南北兩路分歧點。其地高出海面僅二

百三十八尺。故暑期酷熱。歲產棉五百萬斤。商務稱盛。

C 省東之門戶 哈密 扼由甘入新之大路上。當漢蒙回三域交點。商况甚盛。

〔附錄〕哈密有漢回二城。漢城在東。當通內地孔道。北負高山積雪。夏期融流或河。灌田甚廣。其地北

走蒙境。西入回疆。東通漢域。故人烟稠密。市街極比。

D 塔城與疏勒 塔城。本名塔爾巴哈台。城踞塔爾巴哈台嶺之南麓。密邇俄境。爲北邊重鎮。疏勒。本名喀什噶爾。城踞塔里木河北源。喀什噶爾河上。倚帕原之東麓。爲本省西南邊防門戶。

『附錄』塔城附近。土地肥美。宜牧宜耕。商賈以俄人爲多。由此北赴荷慕斯克。以登西伯利亞鐵路。已不甚遠。喀什噶爾河。即葱嶺北河。疏勒踞其上。有二城。河北曰回城。河南曰漢城。人口四五萬。其地


爲北入俄。南入印。西入阿富汗波斯之中樞。故商業繁盛。官署備九種語言譯。

#### 十四色楞格河流域『行政區劃述外蒙古』

I 範圍 薩彥嶺之東端。分一脈。沿庫蘇古爾泊西岸。西南走。接唐努山。更東北走。爲杭愛山。橫亙喀爾喀全境。而止於肯特山。以接俄境外興安嶺。此脈以北之水。爲色楞格河流域。

#### 2 水系

A 色楞格河 西源鄂魯爾河。出烏里雅蘇台之東。東源土拉河。出肯特山之西。



兩源相會。北流入俄境。注貝加爾湖。

B 此外 (甲)西北唐努薩彥二山脈對抱間。有烏魯克穆河。北入俄境。  
(乙)西南。隔杭愛山。有匝盆河。西流。科布多河。東南流。並瀕為湖泊。

(丙)東北境有黑龍江二源東流。

3 地貌 全部爲蒙古高原。然自杭愛山南。東西佔全域之半。概爲大沙漠帶。山北及唐努山北。除山脈蟠紆外。間有平田。夏期水澤縱橫。可資農墾。故有庫買科烏四城崛起其間。

〔附註〕庫。即庫倫。買。即買賣城。科。即科布多。烏。即烏蘇雅合里。

4 氣候 夏熱期短。「兩閱月半」冬寒期長。「互七閱月」秋冬尤短。「僅一月有餘」積雪滿山。風沙晝晦。

5 人種及民生狀況 多爲蒙族。逐水草游牧。污穢簡陋。迷信喇嘛。然近年昌言自治。漸忘五族共和之旨。都市有漢民移住。從事農商。自治詳後

6 交通之大勢。

A 西伯利亞鐵路 與外蒙交通關係甚鉅。

B 陸路 境內陸路有二

(甲)東路 由張家口北走滂河。烏得。叨林。以達庫倫。是即張庫路之預備線。

(乙)西路 由張家口北走。漸與東路分離。斜渡沙漠。達烏里雅蘇台。與科布多。

7 物產 以牛、馬、羊、駝爲盛。山中多森林。野獸。西蒙產麥。鑛產金。

8 名城

A 全國最北之都會 庫倫 瀕土拉河之北岸。爲北蒙活佛駐居之地。卽外蒙自治之中心區域。市內東爲商區。西爲教區。中爲政區。人口三萬八千。

B 全國最北之商埠 買賣城 南距庫倫八百里。北距俄領恰克圖僅二百碼。中以木柵隔之。

『附錄』庫倫。係蒙古城圈之意。地屬土謝圖汗。爲外蒙古政治宗教中心地。政治宗教全權。握於活佛。哲布尊丹巴呼土克圖。現已宣布自治。其街市。華商居東營子。多直隸人。商市頗盛。俄商居西營子。二里半灘。爲銀行。領事館。教會等。喇嘛寺院。距東營子十五里。夏季外蒙人民來拜活佛。屆時市況甚盛。

C 西蒙二城 (甲)烏里雅蘇臺 城踞三音諾顏部之西北端。瀕匝盆河之上

游。土肥人繁。商業稱盛。唯俄人移植於此地者。爲數已超過土著。

(乙)科布多 城踞科布多境。布彥圖河之南岸。峰巒環繞。氣候特良。水草豐美。人口稠密。亦西蒙之樂土。

『附錄』烏里雅蘇臺。地處西蒙中心。爲漠北一大都會。市場在城西七里。俄國領事。及蒙古辦事長官。俱駐於此。科布多市場。在城南門外。人口三萬。每歲夏季。各部游牧人民。來自四方。貿易更盛。

#### 第四編 括論 要項結束

一氣候 從來民物狀況。胥聽命於氣候。寒溫熱三帶下之社會。截然不同。其明証也。中國疆域。南入熱帶。北距寒帶圈。僅十二度有奇耳。而全部地勢。又極高低不齊。此海陸南北。氣候所由懸絕也。茲分中國氣候。爲四帶。

1 嶺南氣候帶 此帶約在北緯二十五度以南。卽沿廣東曲江。廣西桂林。西值雲南滇池。東入福建中部。沿斯以南。氣溫特高。雨水饒足。其特點。在除最高峰巔外。不常見雪。古語云。「白雪不過嚴關」

附註「嚴關」在廣西省興安縣城西北。據父老傳言。今日南北氣候。俱與古微異。卽北方漸暖。南方

漸寒。故嶺南今已見雪。冬期山野。倏然一白。人皆驚喜。旋即消化。

2 長江氣候帶 此帶約在北緯二十五度。至三十三度之間。其三十三度線。即沿安徽鳳陽。河南南陽。陝西南鄭。四川松潘。引一直線。線南溫暖多雨。氣候適中。為全國物產繁盛。風光秀美之地。其特點。在北方沙風。至此絕迹。

附中國各地溫度表「表中度數悉按攝氏」

月數	香港	昆明	南京	漢口	北京	牛莊
一	15.4	9.0	3.0	3.8	4.7	8.9
二	14.3	10.4	4.0	4.5	-1.7	8.2
三	17.2	15.1	8.2	9.6	5.0	0.2
四	21.3	18.9	14.1	16.2	13.7	8.6
五	24.9	21.2	19.9	21.7	19.9	15.9
六	27.0	21.5	24.1	25.7	24.5	21.5
七	27.6	22.6	27.3	27.3	26.0	24.3
八	27.3	21.1	27.2	28.5	24.1	24.4
九	26.8	19.3	22.5	24.4	19.8	18.5
十	24.5	17.5	17.3	18.2	12.5	11.9
十一	20.6	12.6	10.3	12.1	3.6	1.5
十二	17.0	8.8	4.7	9.3	2.9	.8
全年	22.0	16.5	11.2	16.6	11.7	8.6

3 黃河氣候帶 此帶約在北緯三十三度。至四十一度之間。其四十一度線。橫劃

於長城之北。即沿綏遠、熱河、東達奉天、遼陽、瀋陽、西齊河套。此線以南純屬大陸氣候。沙風肆虐。陰歷六七月大雨時行。冬春見雪數次。然而平原沃野。迤邐相望。其特點。在逾此線而北。漸入無雨帶。

附中國各地雨量表「以耗為單位」

地 姓	一	二	三	四	五	六	七	八	九	十	十一	十二	全年
哈爾濱	0	0	0	17	15	51	126	148	22	8	0	0	391
奉 天	5	6	19	29	52	94	149	138	90	39	24	5	661
北 京	3	5	6	16	36	77	240	161	65	16	7	2	634
青 島	12	6	21	37	51	92	195	145	84	48	11	15	718
南 京	45	50	78	115	78	207	209	126	99	60	52	19	1104
杭 州	68	112	141	153	114	255	140	156	142	111	93	41	1530
漢 口	53	27	72	121	126	177	217	118	57	99	29	15	1113
成 都	5	8	9	50	53	105	234	280	150	65	10	5	885

香 港	南 寧	福 州	昆 明
36	11	44	12
29	51	105	19
67	46	134	12
139	89	112	14
259	144	142	110
383	202	206	168
289	125	169	184
354	152	190	193
282	106	234	127
114	85	70	94
40	36	53	51
32	18	56	7
2045	1186	1515	1098

「附錄」黃梅雨。由江城至於東南沿海一帶。有所謂黃梅雨者。蓋在陰歷四月間。由西南季候風吹

送印度洋濕氣而來。陰雨連綿。往往經旬累月。因是時梅子初黃。故名黃梅雨。

4 高原氣候帶 此帶。截至北緯四十一度以北。更益以帕米爾、西藏、青海、川邊、甘肅、西套蒙古。其境。賅括西北大地。面積實佔全國之半。其特點。在極寒無雨。

二物產

1 農產 中國農國也。四億民生。多為農民。穀蔬林牧之產。其種類不可勝計。誠吾民之天也。但未易一一枚舉。姑揭其要。

A 穀果及農作物類 稻。盛產於大江珠江流域。麥。盛產於黃河流域。高粱、大豆。盛產於滿洲。果實。分兩類 (甲) 為梨、棗、桃、杏、蘋果、葡萄之類。盛產於

直、魯、晉、豫、甘、新等省。(乙)爲柑橘、荔枝、香蕉、波羅蜜之類。盛產於閩、粵等省。茶盛產於湘、鄂、贛、皖、浙、閩、川、滇等省。蠶絲盛產於浙、蘇、蜀、粵。柞蠶絲盛產於魯、奉、豫、黔。麻盛產於鄂、湘、贛、滿。綿盛產於蘇、鄂、直、豫、魯、陝、晉。蔗盛產於閩、粵。落花生盛產於山東、直隸。菸盛產於滿、贛、閩、甘。而甘肅水菸產額尤冠全國。以上爲中國農產要項。

〔附註〕茶產著名之地。湘爲安化。贛爲修水。「即昔之義甯」。皖爲祁門、六安。浙爲龍井。「西湖上」顧潛。太湖西。閩爲武夷山。滇爲普洱。川爲蒙山、青城山。柞蠶即野蠶。結繭於柞櫟等樹之上。魯在半島之部。奉省在千山左右。豫省在伏牛山。黔省在北境遵義縣境。

B 林牧漁獵類 森林盛產於滿洲、秦嶺、巴山、南嶺。「苗嶺尤盛」。勾漏等山脉之上。竹則自山陝豫省以南。隨地皆是。「歐洲不產竹。竹林之盛。首推我國。」羊皮、羊毛、駝毛。盛產於蒙古、甘肅、青海。犁牛、羚羊、麝香、鹿茸。盛產於青海、西藏。牛則隨處皆是。貂皮及貴重毛皮。盛產於吉林、滿蒙。魚盛產於沿海。及松花江、大江一帶。若夫奉天之人參。廣西之肉桂。吉林之東珠。四川之藥與蠶。察哈爾之馬。雲南

### 之象。皆爲特色。

〔附註〕滿洲。自鴨綠江上游。長白山以北。合吉林。黑龍江。兩省之山嶺。徧地皆林。每一林區。往往連亘數十百里。蒼鬱無際。稱曰窩集。不愧樹海之譽。堪稱爲中國第一森林產地。秦嶺之林。有南山老林之名。巴山之林。有巴山老林之名。貴州苗嶺森林。亦每年採運甚盛。林之種類。大抵川。陝。滇。黔。多漆。湘。鄂。川。陝。多桐。黔。粵。多杉。閩。贛。多樟。滿洲多松樺。閩。粵。多榕。勾瀟山多花梨紫檀等佳木。竹之產地。自河南清化一帶爲起點。詩所謂「瞻彼淇澳綠竹猗猗」者也。由此而西。而南。隨地皆竹。竹之爲用。大而樓閣。小而什器。細而筆管。化而楮紙。其用至廣。又爲中國特產。製器輸出歐美。爲利至鉅。肉桂。產於廣西西南部。南靖。龍州等地。要以猿山肉桂爲佳。名曰搖桂。與桂平之潯桂。安南之安桂齊名。

## 2 鑛產 中國鑛產。類多而量豐。不勝縷述。舉其著者。

A 金屬物 如黑龍江。川邊。西藏之金。熱河之銀。湖南之銻與鉛。貴州之汞。滇鄂之銅。鄂。晉。奉。豫。直。皖。之鐵。雲南。箇舊。湖南南嶺。之錫。湖南北之錳。南嶺之錫。均爲著名之佳鑛。

B 非金屬物 如直、晉、奉、魯、豫、湘、川、贛之煤。陝、甘、川、熱之煤油。川滇之井鹽。晉、隴、羌、蒙之池鹽。七省之海鹽。又如新疆南陽之玉。雲南之點蒼石。景德、醴陵之陶土。皆稱豐鑛。

〔附註〕黑金、熱銀、湖錫、黔汞，即水銀，皆居中國第一位。鑛之產量，中國居全世界百分之五十四。而湖南一省，又佔中國全額百分之八十三。而湖南產額最多之地，爲新化、錫鑛山。其產量又佔湖南全省百分之八十以上。即居全國百分之六十以上。湖南湘水流域，常寧縣、水口山之鉛，質佳且豐。著譽於世。錫，以雲南箇舊所產爲佳。按箇舊，係縣名。在蒙自縣之西北。有滇越支路通焉。湖南省之南嶺產錫。以江華縣南境之上伍堡、臨武縣南境之香花嶺，爲最著名。山西煤鑛，據同治年間，德人李希霍芬氏之所述，其儲量，達三千三百億萬噸。算時佔十二位，足供全世界千年之用。似屬言過其實。然據日本廣瀨理學士之計算，實有六百五十億萬噸之儲量。若年採百萬噸，足支六萬五千年。可謂豐矣。煤油鑛，在陝北縱橫三百里，係縱紀地層中，皆蘊蓄之。要以延長爲中心。城西里許之老油廠，由陝西實業廳開採。惟城東二十里之華里河，曾由美國美孚公司開採。鑿井達二千四百尺，竟不見油。抑亦奇矣。此外甘肅玉門縣、東南七十里石油河、熱河凌源縣南七十五里之三台子，皆溢出油。

苗。四川鹽井。如自流井、貢井。「在富順縣東北」之側。爲川鹽盛產之地。亦善油最多之地。按井鹽。須鑿井甚深。達岩層以下。始獲鹽滷。汲而煮之成鹽。新疆和闐產玉。出縣西南山中。河南南陽產玉。出縣城北豫山蒲山之中。「可參攷中華民國省區全誌河南省之南陽縣及實業節」

3 工業 工與民生關係密切。以國民之慧。物產之豐。宜乎工業。早有進步。奈古俗重樸惡華。奇技淫巧之刺。深入人心。遂致各種製造。篤守舊習。良可慨也。然各地特產。亦足應用。述其著者。

工業之馳譽於世者。如江浙蜀之綢緞綾錦。江西瀏陽。「瀏陽縣名屬湖南」之夏布。上海無錫南通之綿紗。直隸高陽饒陽之綿布線貨。山東之繭綢草帽瓣。蘇州顧繡。湖南湘繡。蘇杭雅扇。景德醴陵之磁器。南陽之玉器。縉綢。博山「屬山東」之琉璃。玻璃。陶器。北京之景泰藍。山川之銅鐵器。贛皖之竹紙。而宣紙尤佳。贛。閩。粵。蜀之蔗糖。滿洲燒酒。山西汾酒。浙江紹酒。川黔湘鄂之漆油。桐油。廣西之八角油。閩之銀硃。隴西之水菸。川之白蠟。筴。「廣西」閩之樟腦。廣東之象牙。竹木。雕刻細工。又如漢陽鐵工廠。馬尾船政局。尤屬國立之偉業。

「附註」書經有「作奇技淫巧以悅婦人」之一語。係譏刺紂王之言。景泰監者。係銅器飾以瑇瑁。大者瓶鼎。小者杯盤。陳之廣廈。典重。滿皇。足稱貴品。因創始於明景泰。景宗年號。年間。故名。宣紙。出於安徽。故寧國府宣城縣。因最適於書畫。故甚著名。銀硃。係用水銀硫磺二物。直接化合而成。一稱人造硫化汞。係國產紅色塗料之佳品。八角。亦係果實。其實八瓣而突。故名八角。產於廣西百色。龍州。香味濃厚。取果製油。可製食品。香料。並可入藥。每年輸出歐美。值十四萬兩。

4 商業 中國民性宜商。而土產豐富。又足與一世物品爭衡。宜乎高戰馳騁。動操左券。乃按諸實際。輸入之額。超過輸出。外商發皇。國商彫蔽。此何故歟。賦稅之不平。等所致也。稅外商輕。稅國商重。是揚外貨。抑內貨。而自損元氣也。全國商埠。以上海、天津、漢口、廣東、四埠爲最大。輸出土貨。以絲類、豆類、綢緞、五穀、綿花、皮毛、茶、芝麻、蛋白、蛋黃爲主。輸入洋貨。以綿貨、綿紗、糖、五金礦石、煤油、煤、米穀、紙菸、海味爲主。

「附註」昔日洋貨入口。海關稅。皆值百抽五。再納一口子半稅。二、五便可通行全國。不再納稅。中國商貨。除納正稅外。更有釐金等種種名目。每行數十里。則稅釐金一次。故不堪其苦。近年洋貨進

口總數。達九萬萬兩。土貨出口總數。達六萬萬兩。漏卮之鉅。可以知矣。

### 三交通

1 鐵路 鐵路爲運輸要具。以中國之大。需路尤急。乃今全國路線。僅及全世百分之一。茲略述九幹之價值。與鐵路網較密之省分。

「附註」全世鐵軌。長達百十三萬七千基米。中國僅有萬一千基米。故云僅及全世百分之一。按法國一基米。等於中國三·一二五尺。而中國一里。爲一八〇〇尺。則萬一千基米。即等於中國一九〇九七里。舉整數言之。即兩萬里。

#### △九大幹鐵路表一

- 京漢路 走於京津、瀋陽、三名都巨埠間。「二一九五」四字里數。下全此。
- 南滿路 走濱江、長春、大連、三巨埠間。及遼水肥野之上。「一四〇四」
- 中東路 橫巨萬里歐亞。與松花江航線相交。「二八一六」係在滿洲里數
- 京漢路 走於國都及內陸「漢口」第一商埠間。貫通三省。「二六三〇」
- 京綏路 爲京津、溝通外蒙、新疆之要道。「一一二八」

津浦路 走北京南京間。貫通沽黃江淮四大流域。「二一七」

隴海路 橫亘全國中部唯一大幹。爲溝通外海內陸之要線。「已成一五七〇」

粵漢線 爲縱貫江淮嶺海之大幹。只海口曲江間未銜接。「已成一五〇六」

滬甯與滬杭 爲融通東南財區之命脉。「七八一」

B 五省鐵路網 鐵路表二

第一南滿 有南滿、京奉、安奉、四洮、鄭白、奉海、吉長等路。合支路計之。得五〇〇九里。

「附註」若合中東路計之。得七八二三里。佔全國路線三之一而強。


第二京直 有京漢、京綏、京奉、津浦、正太等路。合支路計之。得三三八二里。

第三河南 有京漢、隴海、道清等路。合計得二四八〇里。

第四山東 有津浦、青濟等路。合支路計之。得一八五〇里。

第五江蘇 有隴海、滬寧、滬杭、淞滬等線。合計得一五八〇里。

「附註」鄂、湘、贛、粵四省鐵路。俱不足千里。故未列入。



六四一 東結項要 本教理地國中真寫

五省鐵路網一覽鐵路表三

直 兆 京		寬 一 路 鐵 滿 南							省名								
京通線	正大線	京綏線	京漢線	京奉線	合計	吉長線	鄭白線	四洮線	奉海線	安奉線	南滿支路	南滿線	溝營線	京奉線	路名	里數	省名
五〇	二〇〇	四五四	九八六	八六五	五〇〇九	三八〇	二三〇	六〇〇	七〇〇	五一七	二四五	一四〇四	一六六	八六七			
南 河		寬 一 路 鐵 隸							省名								
道清線	隴海線	京漢線	合計	京門線	柳江線	北戴河	西陵線	臨城線	周廠線	高線路	坨里線	豐台線	南苑線	環城線	路名	里數	省名
二七一	一〇八五	一〇八四	二九六二	四七	三五	四三	八四	三三	三二	三〇	三四	一六	三〇	二三			
寬 一 蘇 江		寬 一 東 山				寬 一		省名									
合計	津浦線	滬杭線	淞滬線	滬寧線	隴海線	合計	小清二路	青濟三支線	臨東線	濟兗線	青濟線	津浦線	合計	豐樂線	路名	里數	省名
一三八六	一二〇	一四六	三〇	六〇五	四八五	一五八〇	一八	一一一	五六	四七	七八八	五六〇	二五〇〇	五〇里			

2 航路 航行因地勢而異。高原地帶。水瘦流急。絕不適航。唯歷邱陵。瀉入平原。始見輪帆如織。中國河流雖多。航路之盛。限於東南各省。及沿海。略述如次。

A 內河航路

(甲)大江航路 自四川屏山而上。水流湍急。凡四千里。不通航行。自屏山至三峽間。地勢漸平。始見輪帆上下。迨逾宜昌。瀉入平原。羣湖交匯。攔其十大支流。淼淼蕩蕩。以下東海。則爲輪帆往來之勝境。故航路之長。居中國第一。

(乙)黑龍江航路 黑龍江水量豐富。輪船自廟港「在江注韃靼海峽處之南岸」上溯。可至額爾古納河上游。及俄領赤塔城外。航線之長。達六千里。唯冰期甚久。「八個月」是其缺憾。

(丙)珠江航路 除上游南北盤江。匯爲黔江。不適舟航外。小輪溯西江。達桂平。溯鬱江。達百色。帆船有二要線。(壹)溯鬱江。可至雲南剝隘。(貳)由桂平溯柳江。可至貴州三合。航運之利。僅亞大江。

(丁)淮水航路 淮源初瀉。卽入平原。故舟筏之利。幾徧全域。小輪船溯鎮江

而上。至安徽正陽關。水盛時。可上達河南周家口。以至漯河鎮。「在京漢線暨城東南」

(戊)黃河航路 黃河。自甘肅西寧以下。通皮筏。「用牛皮製成」中衛以下。通帆船。經河套至山西磧口止焉。以下水流迅急。龍門砥柱之間。舟小如瓢。航行艱險。唯自河南蘭封以下。水深適航。帆船如織。然逾山東濼口。以至入海。又水淺多砂。航利遜焉。

〔附註〕磧口鎮。屬山西離石縣。黃河東岸。爲濟渡處。其南已不適航行。

(己)沽河航路 沽河五水。唯衛河。源出平原。大清河。行山地較短。故航利皆鉅。北運。滹沱。半經山地。航利已遜。若永定河。幾於四分之一。流行山間。故有害無利。除永定、北運外。皆有一部可航小輪。天津以下。可航大輪。  
B 沿海航路 七省沿海岸線。延長萬二千里。均適航行輪船。  
全國航路表「專就內陸言」

流域	大輪	航路	小輪	航路	帆船	航路	合	計
----	----	----	----	----	----	----	---	---

大江	四四六三里	七五七四里	一三五五里	二五五八里
黑龍江	一五三一里 (俄境未計)	三九七里 (俄境未計)	六〇〇〇里 (全上)	一一四七八里
珠江	二二一四里	三六四三里	三〇六一里	七九一八里
淮水		九四四里	一六三二里	二五七一里
黃河		九四五里	五〇〇〇里	五〇〇〇里
沽河	一六〇里		三一〇〇里	四二〇五里
其他	二一四里	三五九四里	八八二六里	一二六三四里
合計	八五八二里	一九五四三里	四一六九里	六九三九四里

「附註」本表所列全國航路總數。爲六萬九千餘里。然實際上。只計民船航路可也。總計四一六九里耳。何則。凡能航大輪者。必能航小輪。故大輪航線。等於復出。凡能航大小輪者。必能航行帆船。故大輪航線。等於復出。然則全國航路。卽以帆船航路。四一六九里。爲實數可也。舉成數言。爲四萬里。

### 三 電氣交通

#### 1 電報 八大幹線。徧於全國。總長十五萬里。

「附註」八大幹線 京滬 京漢 京滿 京蒙 京新 滬川 滬粵 粵漢

2 電話 通都巨埠。主要市鎮。皆已逐漸設置。

3 無線電臺

A 中國自設。通都巨埠。邊疆要害。設置地點。凡十有四。

〔附註〕中國設無線電臺之地點。北京 張家口 武昌 吳淞 福州 廣州 崇明 上海  
大沽 新疆 烟台 庫倫 保定 天津

B 外人設立 (甲) 日本十六 (滿洲最多。次爲京津濟南青島漢口) (乙) 法、美、英、意。均有設置。

4 海底電線

A 中國自有五線

甲 上海、青島、煙台、大沽間。凡四線。

乙 徐口線。〔自廣東雷州半島尖端之徐聞縣。至瓊島北岸之海口所。〕

B 中日合辦二線

甲 青島至日本佐世保間。〔佐世保在日本九州島之西北角端〕

乙 煙台至大連間。『中國領海七英里內。屬中國。餘屬日本』

四郵政 分全國爲二十四區。年收信函五萬萬餘件。

〔附註〕中國國家。昔日馳送公文。係用馬遞。名曰驛站。民間書信。唯通都大邑。有民設信局經理之。至光緒二十三年。始於內地。徧設郵局。故民國十年。曾發行開辦郵局二十五週年紀念郵票。今將二十四郵區。列舉如下。北京 直隸 山西 河南 陝西 甘肅 新疆 奉天 吉黑 山東 東川 西川 湖北 湖南 江西 江蘇 上海 安徽 浙江 福建 廣東 廣西 雲南 貴州

#### 四民族

1 漢族 相傳古代。來自西方。逾崑崙而東。入黃河流域。以次蕃衍於大江。珠江兩域。遂瀰漫於全國。今其足迹。且徧世界。東方文物。皆此族所發明。其性質。一言以蔽之。係勤儉耐勞。篤愛和平之民族。

2 滿族 古爲肅慎民族。音轉女真。近稱滿洲。其根據地。本在長白山南北。長林豐草之間。故體健性勇。古昔以善戰聞。中古以降。金清兩代。入主中原。皆以善於因襲中原文物著稱。非蒙回種族。壹意重武輕文者。所能比擬。然自有清以

蒙 族 新 式 家 庭

來。滿族散佈內地。血統混淆。文物同化。百年以後。恐不可復見滿族矣。  
「附註」種族曰滿洲。其命名之由來。本作滿珠。因清室崛起奉天之初。西藏達賴。遣人獻書。輒稱「曼



西 蒙 科 布 多 帕 塔 親 王 之 女 子

第二編 括論 民族 滿蒙

一五三

殊師利大皇帝」然曼殊。皆書作滿珠。華言妙吉祥也。而滿珠音轉。遂作滿洲。今滿洲三省移民。已超過原有滿人數十倍。非若蒙、回、藏各有根據地之可言也。此亦百年以後。不可復見滿人之主因。

3 蒙族 本唐時蒙兀部。至遼金之間。驟興於外蒙之地。因習居沙漠。剽忽善戰。



成吉思汗

迨成吉思汗。威震歐亞南洋。其領土之大。居世界史第一。足爲黃種吐氣。歐人至目爲黃色民族代表。遂稱之曰蒙古利亞。其根據地。在內外蒙古。旁及唐努烏梁海。科布多。新疆。青海。一帶。其性質。困居沙漠。懶惰污穢。且迷信喇嘛。殆若不可復振。然民性自存。苟施以適當之教育訓練。終當爲國之強族。

〔附註〕唐時蒙兀室韋。居今黑龍江省西南部。嘗服屬於東胡。故人種學家稱其與滿洲人。同出於東胡種族。初奉貢於遼金。至金章宗泰和六年時。成吉思汗稱尊號。遂在世界史上佔一要位。

4 回族 本突厥之遺裔。隋唐之間。大食人。創興天方教於亞刺伯半島。回紇始傳之入中國。於是回族之名。乃因回教而大顯。其在歷史上之特色。以桀驁善戰著稱。其根據地。在天山南路。其民族。散佈於各省區間。隨地皆是。限於宗教上之規律。與漢族不易同化。其民性。勇敢好鬪。在五族中。矯然特出。

5 藏族 係吐蕃遺裔。一稱圖伯特族。然其地域。古稱烏新藏。至清代。始名西藏。此爲藏族之名所由昉。在歷史上。至唐始顯。歷宋。元。明。清。皆羈縻之。而莫克改革其內政。其民性。柔靡怠惰。迷信喇嘛。守一妻多夫之敝俗。寄託於世界第一

高原之上。置理亂於不聞。然不速爲之謀。恐將與外蒙。同隸異類。



〔附註〕藏地。自東晉至隋唐間。爲鮮卑族吐谷渾所據。隋唐叠破吐谷渾。迨高宗時。吐蕃強盛後。盡併吐谷渾所有。吐蕃之名。始現於世。

6 苗族 國境蠻族。雖有數種。要以苗族爲最盛。苗族。係漢族未來以前之土著。自黃帝戰勝蚩尤。虞舜竄三苗。至秦漢以降。遂盡移居於滇、黔、湘、邕、川、康。「川邊」山地之中。而營其艱苦之生活。其衣食居住。至爲鄙陋。智識亦因之固蔽。誠堪憫惜。

〔附註〕中國蠻族。於苗民之外。尙有青海氏羌。吉林赫哲。「即唐代之靺鞨人種」。黑龍江之索倫。鄂倫

春。達呼爾。福建之畚民。瓊縣之黎民。湘粵之繙民。若夫苗民根據地。係由武陵山脈。至苗嶺。更南達廣西。爲最盛。若川邊。獠。滇之百濮。皆屬苗民之類。

## 五宗教

1 佛教 起於中印度。創自釋迦牟尼。「與孔子同時」至東漢永平十年。始傳入中國。歷六朝。隋唐。而大盛。今雖漸衰。然慈悲之旨。深入人心。國民信仰。仍屬最盛。其別派喇嘛教。盛行於蒙藏。青海。一帶。有活佛四。

1 達賴。 居前藏。

2 班禪。 居後藏。

3 哲布尊丹。 居外蒙。

4 章嘉。 分居北京。多倫。

雖屬佛教別派。勢力獨鉅。

2 道教 道教古爲道家。肇於黃帝老莊清靜無爲之說。至後漢張道陵。特樹旗幟。始成宗教。其要義。在去邪清心。鍊丹養氣。以期達「返老還童」之大慾。而其見

諸實行者。則在畫符、祈禱、去病、降妖。其子孫世居江西貴溪縣龍虎山。沿稱天師。

『附註』道家古九流之一。崇尚黃帝老子莊子之說。張道陵。字漢輔。張良九世孫。漢章帝、和帝累徵不就。入蜀居鶴鳴山。山在崇慶。桓帝時。出經籙印劍。授其子衡。使世世相傳為天師。民國十五年十一月。蔣介石率革命黨軍入贛。謂其邪說惑眾。影響社會進行甚鉅。遂取消天師尊號。而沒收其財產。

3 回教 本名天方教。創於穆罕默德。始由阿刺伯半島。推行於亞非歐三洲間。其時代。當中國陳隋之交。而大盛於唐初。迨回紇傳之入中國。始有回教之名。其教

穆罕默德



義。在識主敬事。蓋一神教之別派也。盛行於天山南路。而散佈於全國各省區間。隨地皆是。概稱清真教徒。

『附註』穆罕默德。生於西歷五七一年。即南朝陳宣帝太建三年。死於六三二年。即唐太

宗貞觀六年。西歷紀元。起於六二二年。即唐高宗武德五年。

A 基督教。起於西漢之末。創於猶太之耶蘇。其教義。爲平等、自由、博愛、而嚴守一夫一妻之倫。分新舊派。舊派天主教。自元代傳入中國。今有百四十萬信徒。



耶


新派耶蘇教。自嘉慶間入中國。而盛行於五口通商以後。今有十五萬信徒。

「附註」耶蘇生於漢哀帝建平三年。

蘇

死於漢光武帝建武五年。被羅馬政府。磔殺於十字架上。時年三十三。而耶蘇紀元。始於漢平帝元始元年。

六教育。依新學制之規定。略舉如下。



- 1 幼稚園 收受六歲以下之兒童。
- 2 初等教育 以六年為限。即在六歲至十二歲間。前四年為初級。後二年為高級。但得展長一年。
- 3 中等教育 以六年為限。即在十二歲至十八歲間。分初高兩級。其為三三制。或

四二、與二四制俱不限定。高中分普通及農工商家事等科。得依地方情形酌設一科或數科。

A 高等教育 以三年至六年爲限。在十八歲至二十四歲間。如大學修業四年至六年。師範大學四年。專門學校三年以上。

七國體 自辛亥革命告成。遂以推翻五千年君主國體。而改建民主國體。今日中國主權。本操於四億民族。宜使教育猛進。民智日高。釐訂適宜之憲法。且實行其監督政治之權。

八政體 確定爲立憲政體。三權鼎峙。

1 立法之權在國會。爲兩院制。即參議院。衆議院。由全國人民公選代議士。以組織之。創立大法。以彰民主之權。

2 行政之權在政府。以由國會票選之大總統爲首長。其行政。分中央地方兩部。

A 中央爲國務院。以國務總理。及九部國務員組織之。九部國務員者。即外

交、內務、財政、陸軍、海軍、司法、教育、農商、交通、九部總長。

B 地方爲各省區。(壹)各省行政上。分省、道、縣三級。(貳)各區行政。系以京兆尹、都統、鎮守使。尙不一致。道尹或置或否。亦不盡同。唯皆置縣。

〔附註〕京兆區域。系以京兆尹。而未設置道尹。熱察綏三區。系之以都統。川邊藏域。系之以鎮守使。皆置道尹。

3 司法之權在法院。(甲)中央設大理院。總檢察廳。爲全國最高司法機關。

(乙)各省設高等審判廳檢察廳。(丙)各都會巨埠繁華之地。設地方審判廳檢察廳。(丁)各縣設初級審檢廳。〔現皆以縣長兼任〕

(九)外交失權。中國地理上。因外交而損主權。數十年來。何勝枚舉。今應喚醒青年。彰明國恥。庶有恢我主權。揚我國光之日。唯頭緒紛繁。特簡叙之。

1 撤藩。中國四藩。曰朝鮮、琉球、越南、緬甸。同光以來。相繼撤廢。茲述如次。

A 琉球。琉球羣島。縱列於閩浙以東。台灣以北。大海之中。自明初。卽爲我藩屬。至光緒元年。爲日本所奪。置冲繩縣。



士豪阮文惠所篡奪。同時安南南境廣南王阮福映失國逃暹羅。卒賴法人之力恢復安南全土。乃改稱越南國。迨阮福映歿。其子孫仇視法人。日益加甚。疊次戰敗。言和。同治十三年。直接結法安和親條約。實際上遂成法之保護國。中國豈能默認。延至光緒十年。中法開戰。勝敗未決。最後諒山一役。中國全勝。乃卡瑪章力主和議。竟與法結約。承認越南為法之保護國。而越藩以失。



緬甸廢王及廢后

C 緬甸 緬甸列我

藩屬。自乾隆三十四年始。然自道咸以還。累敗於英。至光緒十一年。遽為英併。時我方疲於中法之役。無力與抗。遂棄緬藩。

〔附註〕清乾隆三十三年。傅恆征緬。是年十月

一日。下伊拉瓦。歸江。即大金沙江。進擊敵軍。大勝。自是緬甸遂爲我藩屬。然緬甸於其西鄰英領印度。時時衝突。累敗於英。道光咸豐間。疊次失地。遂至爲英人所吞併。光緒十一年。結中英協約。而緬藩遂失。

D 朝鮮 朝鮮自明初稱藩。迄於甲午戰前。朝貢不絕。乃自同光以來。日本與我爭藩日亟。卒釀甲午之戰。而韓藩自撤。迨日俄甲辰戰後。遂併於日。

〔附註〕朝鮮半島。在漢時。有馬韓。辰韓。弁韓。三國。故又稱三韓。至日本明治維新。大倡征韓之論。力與我爭朝鮮藩屬之權。卒釀成光緒二十年「甲午」平壤與黃海水陸之戰。而朝鮮實使遂絕。未幾。日俄滿韓之爭起。又釀成光緒三十年「甲辰」之戰。其結果。日本戰勝。遂合併朝鮮半島。而化爲日領。

2 割地 中國自鴉片戰後。割地者凡五次。始於香港。終於台灣。略述如次。

A 香港島 初係珠江口外一荒島。鴉片戰役。兩廣總督琦善。允許割與英人。至道光二十二年。江寧條約成。遂淪於英。

B 黑龍江北之地 清初。尼布楚條約。係以外興安嶺。爲東北國界。凡在嶺南之水域。皆屬我之版圖。乃咸豐八年。俄人突與我結愛琿條約。竟將黑龍江北之地。

### 無端割去。

〔附註〕中俄尼布楚條約。結於清康熙二十八年。係以額爾古納河及外興安嶺脊。為兩國分界線。咸豐八年。俄人木刺福岳福。攜哥薩克兵萬餘人。突至瑯瑯。與黑龍江將軍奕山。脅迫訂約。竟將黑龍江北之大地割去。

C 烏蘇里江東沿海之地。清初。滿洲東界。至日本海。咸豐十年。英法聯軍入北京。駐京俄使。出任調停之責。迨和局成而索酬。竟將烏蘇里江東之地。贈與俄人。

〔附註〕咸豐十年。英法聯軍入北京。清文宗走熱河。恭親王奕訢留守。時駐京俄使伊格奈提福。調停和局。聯軍退走。其結果。俄人索酬。遂與俄人訂北京條約。竟割讓烏蘇里江東之地。為俄人沿海州。〔亦稱東海濱省〕

D 澳門半島。澳門半島。租與葡人。自明萬曆以後。年收租金五百兩。迨光緒十三年。免其租金。遂同割讓。

〔附註〕明嘉靖十四年。葡人租借澳門。年科租金二萬兩。至萬曆二年。始減為年租五百兩。光緒十三年。清政府因辦理鴉片稅。慮奸商市儈。倚之為遁逃藪。必須與香港澳門英葡兩國合辦。方可有濟。乃

邊與僑商。頗多要求。遂承認葡人。永遠管理澳門。

⑤ 台灣島 有清季世。台灣列爲行省之一。「當時前清領地。二十三省。」全島長千餘里。最寬處二百里。天氣溫暖。雨水饒足。多熱帶植物。西部平原。米蔗尤豐。甲午戰後。合澎湖三十六島。割與日本。

〔附註〕明末天啟中。荷蘭人佔據台灣島。流民歸者如市。農業遂興。繼而明遣臣鄭成功。逐荷人而據之。開疆闢土。宣統二年。施良討滅之。治爲浙青領土。至光緒十二年。升全島爲省。凡九載。而淪於倭奴。

### 3 劃界失地 分西北邊濱邊兩部述之

#### A 西北邊地

(甲) 西北大地 乾隆間開闢新疆。西界極於巴爾喀什湖。及額爾齊斯河。中流。乃同治三年。塔城條約。與俄人劃西北國界。竟以二湖「齋桑泊。特穆爾圖泊。」爲準則。而西北大地。盡歸淪棄。

〔附註〕清乾隆時。開闢新疆。哈薩克部。入我版圖。西界極於吉爾吉思草野。迨同治三年。伊犁將軍。在

寫真中國地理教本 要項結束  
塔城與俄人訂結塔城條約。西北金甌。驟缺一角。



(乙)帕米爾高原 帕原大部。胥屬中國。其西境葉西庫爾湖北岸上。有清高宗「乾隆」御製平定回部碑文。其明証也。乃以「兩種規定」淪棄之。

(壹)喀什噶爾西北界約 以烏仔別里山口爲國界。山口以西之帕原大部失去。


附錄「在清光緒十八年時。新疆巡撫。猶遣馬隊。駐於伊西庫爾湖北蘇滿之地。乃光緒十年時。定喀什噶爾西北界約。竟以烏仔別里山口爲界。誠屬自相矛盾。其故在封疆大吏。不知地理。

(貳)英俄私分帕米爾 帕原之上。阿母河源。佔其大部。乃爲英俄所私分。我國境。竟自烏仔別里山口以南。向東南削入。作半月狀。

「附註」光緒二十二年。英俄在倫敦訂約。私分帕米爾後。中國政府偵知。始發電駐英大使雷福成。駐俄大使許景澄。執約力爭。卒無結果。但我國亦決不能承認之。

## B 滇邊

(甲)與英劃界 滇省西界。本至大金沙江上游西岸。光緒十二年。中國既承認英人併緬。應乘勢完我疆域。乃滇緬界約。竟併野人山而盡失之。則大金沙




法續約

「附註」英未併緬以前。緬法曾結溫公河一即瀾滄江」東。「即江洪地」割讓法國之約。迨英人併緬。中英劃界既畢。法人遂向中國索江洪地。「即孟阿樂」中國不得已與之。按湄公河東西

江東之地。盡歸淪喪。

「附註」大金沙江。即伊拉瓦諦江。當英人初併緬甸。中國承認。英人大喜過望。曾有大金沙江許中國通航之語。如此。則舊界可復。乃至光緒二十年。始行劃界。竟食其言。今則片馬。且為英人佔領。

(乙)與法劃界。瀾滄江東。我車里七司轄地。名曰江洪。光緒二十一年。法人索之。中國與之一結中



租借地 以土地借與外國。任其管理設防。是日租借地。然外人視之。實同領土。

一帶。皆名江洪地。皆係我軍里士司轄境。

蓋侵我主權。莫此為甚。略述如次。

A 旅順大連 俄人於光緒二十四年。獲旅順大連租借權。甲午戰敗。轉讓日本。民國四年。日本提出五項要求。延長租借期限。為九十九年。

〔附註〕按俄租旅大。係援德租膠灣之例。德租膠灣。在光緒二十四年二月十四日。俄租旅大。在三月初六日。僅隔二十日。民國四年。一月十八日。日本

向我政府提出五項要求。1 關於山東者。四條。2 關於南滿、東蒙者。七條。3 關於漢冶萍公司者。二條。4 關於全國海岸者。一條。5 關於全國者。七條。共二十一條。


B 威海衛。英人於光緒二十四年。援俄租旅大之例。獲威海衛租借權。「連劉公島在內」以二十五年為期。至民國十二年期滿。中國雖曾實行接收。奈限於無理要挾。竟無結果。

「附註」民國十一年二月五日。在華盛頓會議中。英國代表貝氏聲稱「於合宜情形之下。歸還威海衛於中國。唯英國仍須繼續使用該地。為軍艦休養處。或避署地。但將該地主權。歸還中國。」……係歸還空名不歸還實物之詐語。乃中國代表。不加思索。竟表謝意。此所以實行接收時。絕無佳果。

C 廣州灣。法國援俄租旅大。德租膠灣。英租威海之例。於光緒二十五年十月。租我廣州灣。並東海島。期限九十九年。


「附註」廣州灣之租借。中國政府。命廣西提督蘇元春。為劃界委員。與法公使折衝。蘇頗強硬。幾至決裂。不意廣州灣附近。遂溪縣法國土官一名。被土人殺害。法國竟遣艦隊入灣內。蘇不得已。讓步。遂締結租借條約。該判時間。費一百零七個月。

圖島羊龍九借租並港香割英



D 九龍半島 英人援法租廣州灣之例。於光緒二十四年五月。租我九龍半島。

寫真中國地理教本 要項結束  
期限九十九年。



法租界廣州灣圖

「附註」法租廣州灣。於光緒二十四年五月以前。已有成議。故英人乘機援例。租借九龍。談判順利。故結約反在法租廣州灣之前。為九龍半島全部。及附近四十餘島。並大鵬深州兩灣之緣邊。香港四圍水面。悉為租借區域。

5 租界 限於外國通商口岸。茲為解析如次。

A 性質 與租借地不

同 (甲)租借地 含國際侵略之精神。而爲瓜分中國之預備地。 (乙)租界

係外人就我口岸。願受一塵。而營交易。兩意比較。相去懸絕。

B 來歷 係五口通商時。議定善後條約第七款。略云「英國就各口岸。用何房屋。或基地。准許租賃。」云云。是即外人在中國。得有租界之萌芽。

C 侵權 劃定疆界。租與各國通商。仍完全爲我領土也。乃外人不謂然。於是行政權。設警權。司法權。亦隨之而斷送。犯我主權。孰復逾此。

D 分類 分爲國別租界。與共同租界。兩類。

(甲)設國別租界地 上海、天津、漢口、九江、廣州、蘇州、杭州、沙市、重慶、福州、廈門、營口、安東、蕪湖、鎮江、「漢口、九江、鎮江、天津、四處英界。今已收回。」

(乙)設公共租界地 上海、鼓浪嶼。

6. 自治區域 吾國對於自治區域。僅存「宗主權」之名。不能實行設官治民。

A 西藏自治 西藏自清雍正間。始設駐藏辦事大臣。以治之。迨光緒三十年。英兵入藏。結英藏條約。主權漸移於英。辛亥革命。藏兵內侵。民國二年。中藏英會議。

其要件卽「西藏自治」。自茲以後。我駐藏辦事長官。不能就職。實行自治。

「附註」西藏爲喇嘛教國。自唐宋元明清以來。對藏皆羈縻之而已。從不干涉其內政。故西藏從古爲政教合一之國。英以保護印度爲政策。其侵略西藏。勢所不免。一九〇四年。「光緒三十年」英兵入藏。威脅達賴。結英藏條約。其要項。爲開放江孜。噶大克。亞東。爲商埠。西藏撤廢國境要塞之武備。尊重英國領地交通之自由。西藏政府。無英國許可。不得爲左列事情。

甲 西藏土地。不得讓與外國。

乙 不得使外國干涉西藏問題。

丙 西藏境內。不得置有外國委員或代表。

丁 踏鑽電信之利權。不得讓與其他歐人。

戊 西藏之收入。不得供外國之担保。

迨一九〇六年。「光緒三十二年」中英會議。對此約完全承認之。民國二年。中藏英會議。名曰「西摩拉會議」。其要件。卽「西藏自治。中國有宗主權」。嗣因境界問題。會議終歸破裂。然駐藏辦事長官。自此不能就職。

B 外蒙自治 外蒙自清初歸附中國。即設庫倫辦事大臣。以治之。辛亥革命。俄人煽惑。竟於民國元年十月。宣言自治。

「附註」自外蒙宣言自治後。所有經過之節略如下。1 民國二年十一月。外交總長孫寶琦。與蒙及俄商訂要項。「中國在外蒙有宗主權。爲中國領土之一部。中國承認外蒙之自治權。」2 四年七月。於庫倫設都護使。爲辦事長官。3 八年十一月。外蒙活佛。呈請撤消自治。旋設西北籌邊使。又改爲庫。烏。科。唐。鎮守使。九年八月。舌帶。復自治。自是厥後。庫。烏。科。唐。鎮守使。不能就職。

## 7 路權外移

### A 借地築路

(甲) 中東鐵路 俄築西伯利亞鐵路。假道黑吉省境。以達海參崴。

「附註」此權利。係李鴻章赴俄結中俄密約所允許。遂於光緒二十三年興工。二十七年通車。二千八百十六里。原議三十六年後。准許中國給價收回。八十年後。無條件歸還中國。又民國十三年五月三十一日。與蘇俄結中俄協訂。允准我國給價收回。迄未實行。

(乙) 滇越鐵路 法築滇越鐵路。假道雲南。廣西省境。以通越南。而至海防。

(壹)幹線 自雲南老開。達滇垣。

(貳)支線 自廣西鎮南關。達龍州。

〔附註〕滇越鐵路。在雲南境者。九百四十里。宣統二年竣工。在廣西境者。百二十里。光緒二十九年竣工。其在滇越境上者。老開至海防。七百七十里。

### B 強權佔路

(甲)南滿鐵路 初由俄人借地築路。甲辰戰後。轉讓與日本。

(乙)安奉鐵路 甲辰之戰。日人借地築輕便鐵路。以供軍用。戰後改築寬軌。聲明十五年後。退還中國。

以上二路。均於五項要求時。聲明強佔時期。爲九十九年。

C 借款築路 借用外款。暢我交通。雖礙主權。究利多而弊少。若管理全權。操之於我。尤稱勝算。

〔附註〕下表以已成之路爲根

(甲)借日款築路「概用日金」鐵路表四

路名	里數	借款數目	利息	期	限償清之年	備考
南濠鐵路	三〇〇里	一千萬元	六厘半	十五年	二十三年	民國二十五年 商辦 將來由民款 償路五年後 亦可贖回工
膠濟鐵路	七八八里	四千萬元	六厘	十五年	三十一年	民國二十六年
吉長鐵路	二八〇里	六百五十萬元	五厘	三十年	三十四年	民國三十六年 務會計運輸 主任用日人
四洮鐵路	八八〇里	千六百七十萬元	五厘	四十年	四十四年	民國四十五年 總會計總工 程司行車總 管等俱用日 人

(乙) 借英款築路鐵路表五

路名	里數	借易數目	利息	期	限償清之年	備考
京奉鐵路	二二九五里	二百三十萬鎊	五厘	四十五年	五十年	民國三十三年 總工程可用 英人 係英德兩國 合借工程司 用兩國各一 人
津浦鐵路	二一七〇里	五百萬鎊	五厘	二十一年	二十六年	民國二十七年
道清鐵路	二七一里	八十萬鎊	五厘	三十年	三十四年	民國二十四年 機件材料向 福公司訂購

第四編 括論 借款築路表

滬寧鐵路	六〇三哩	十五萬磅	六厘	十三年	民國十二年今 尚未償清	總工程師 管理處司 俱用英人 餘利五分 一歸英
滬杭甬鐵路	三三六哩	百五十萬磅	五厘	三十年	民國二十七年	總工程師 英人
廣九鐵路	三三三哩	百五十萬磅	五厘	三十年	民國二十六年	總工程師 管賬俱用 英人

(丙)借各國款築路鐵路表六

路名	里數	借款數目	利息期	限償清之年	備攷
京漢鐵路	二六三〇哩	英法款五百萬磅	五厘	三十年	民國二十七年 不以本路為 担保主權屬 我
正太鐵路	六二三哩	俄款四千萬佛郎	五厘	三十年	民國十一年 由法人管理
隴海鐵路	一五六〇哩	比款一千萬佛郎	五厘	四十年	民國四十一年 四工程師 核員用比人
川粵鐵路		德法英美六百萬磅	五厘	四十年	民國四十一年 聘用四國工 程師

8 航權外移 航權有二。一即內河航權。沿海航權。今世列強皆重視之。獨我國內河

沿海。外輪如織。一似毫無主權之國。追溯其始。

(一)由於咸豐八年。與英俄訂約。准許外輪航駛內河。

(二)由於光緒二十四年。頒布內港行輪章程。有「所有內河無論華商洋商。均准航駛外輪之語。

〔附註〕「咸豐八年。璦琿條約。有「黑龍江、松花江、烏蘇里江、限於中俄兩國通航」之文。 2 天

津條約。所開八口。內有長江三埠。〔鎮江九江漢口〕。故咸豐八年。中英續約。第十款云。『議准長

江三埠。為英船出進貨物通商之區。』內港行輪章程。頒布於光緒二十四年。當時厘訂省。為總稅

務司英人赫德。『非我族類。其心必異。』遂將沿海內河航權。喪失殆盡。

9 關稅不自主 外貨輸入。始自五口通商時。訂約徵稅。值百抽五。至華盛頓會議後。民國十年十一月十二日開會。『僅增附加稅。二、五。是日協定關稅。明我國無主權也。其弊有三。 (1) 稅款減收。為數過大。 (2) 外貨暢銷。漏卮至鉅。 (3) 禁入之貨。無法拒絕。 故我國應實行關稅自主。

10 領事裁判權 外國領事。兼理司法。其防害我司法獨立。實為特甚。溯其來歷。乃

由於五口通商時之錯誤規定。近於華盛頓會議後。各國組織司法委員來華。調查「十五年夏」對於撤廢。卒從緩議。

「附錄」當五口通商時。不但禁止外人混入內地。且限於寄居一定區域。不許越雷池一步。迄今情勢重遷。中國許外人通商之地。至一九一九年止。已有百餘處。是領判權之不適用。不言而喻。華盛頓會議時。提出撤廢。始議決組織司法委員。來華調查。

II 外軍駐境 外國軍警。我之敵也。環顧四境。隨在皆是。約分二類。

A 根據約章 (甲)租借地軍警 (乙)租界巡警 (丙)設兵駐守京師至海口之交通。「由京津至山海關之路線」

B 非根據約章 如日本在南滿之武力。(甲)軍隊。(乙)路衛。(丙)巡警。其實皆兵。計兩萬餘人。

「附錄」辛丑和約「光緒二十七年所訂」。即庚子之翌年。第七條。中國承認各國於使館界內。各國得設衛隊。以護使館。又第九條。中國應允諸國擇地設兵駐守。以保京師至海口之交通。其駐守之處。係黃村。郎坊。楊村。天津。軍糧城。塘沽。蘆台。唐山。灤州。昌黎。秦皇島。山海關等處。云云。日本在南滿

軍隊及路衛各萬餘人。警察共約二千名。其用意誠不可測。

12 結論 統觀上列各項。是我中華民國。已失主權獨立之資格。不雪此恥。奚足自存。雪恥之責。端賴青年。

---

寫真中國地理教本

要項結束

一八四